

集部

欽定四庫全書

願學集卷四

侍讀臣孫球覆勘 詳校官監察御史臣曹錫賞

枝對官助教臣胡予裏 總校官降調編修臣倉聖 脉 腾 録監生臣在 堂

九三日屋 八三 A CHECK TO SERVICE OF THE SERVICE OF A DESCRIPTION OF THE PARTY OF T 諸聖賢語句尋字釋儿大 明 、鏡知中吐解為經的 錐鑿人健私見聖人 鄒元標 榠

家學見之躬行曆之政事以翊戴皇圖無疆之治而近 等校定賜名曰大全集註惟懼學者溺于異指今童習 則取大全集註刪其繁冗名曰纂註約而精之可謂紫 古陳公復爱之處大全瀬瀚繁衍學者不能獨觀盡識 |時學者因陋就簡至不知朱註何物且有操戈向者懷 悉聖賢道昭如指掌名曰集註我成祖記諸儒臣胡廣 **展左右次含毫釐不真如注水經者溝港斷流源委必** 言足扶先聖閩與者必采以證如步天者日月星 人といりはない 天江河流地亡弗明也亡弗行也有弗行弗明者私見 屬元某一言級之簡端余惟道布護天地問如日月經 承前放後則仁一舉 數善備馬陳氏明德遠矣侍御君 易入此侍御君意也以尊制則忠以闡揚家學則孝以 **護紫陽如護要領引人者于其素習則人之從之也常** 以傳盖曰前是書成皆吉州豫章諸大儒為政諸大儒 兹道盖欲鏡今傳後豈可今之飽蠹魚來巡豫章遂鍥 陽功臣矣書藏箧笥久而公嗣侍御君思公一生沉埋 廟学集

管窥者軟執公格物窮理一言為疑城物非在外格 害之也以緊陽之精神光天地質鬼神豈其不能晰 金二 幾人故其言之切說之詳叮嚀告戒不遺餘力世偶有 道之精益慮學者雖等而進中人以上可以語上古今 學思曰勞心以必求不如遜志而自得如釋知性知天 者何物釋時習曰明善復初何者為善何者為初如釋 非 逐物祭陽豈不了了且其釋明德曰虚靈不昧不昧 知性則物格之謂盡心則致知之謂此宜從逐物上 四四八十章 至

旋精而一之是在纂註中矣嗟乎時當凶歲有貸東海 擇稻黍稷麥以為菽栗助也膚學小生井窺蛙鳴以爝 顧以無當于機够緊陽之註吾道放果也懷古之篡註 之栗者輒奔而赴即有袖明珠者光燦燭天人跳而不 起者有能悉心忘見始知紫陽之學必不從註腳下盤 火ミの車全書 學庸一書本文自明顧無奈後儒之湖其古也子朱子 火弊太陽此侍御父子之所閔而欲援之也 學庸或問選序 胸學具

為人子朱子意蓋類此題後世觀者苦其浩瀚終年白 嫌于反覆叮嚀譬之嚴父貞母憂其子無成也大言之 載而下洞若觀火啻其爱時之心太切覺世之心太重 俗事可暫而不得為常此二語足以緊學庸之間與千 憂之作或問余讀其語大學曰學大小不同其道則 金気に丘とう 小言之深言之淺言之隨其子耳入或一有 得馬可以 而已中庸曰庸惟其平常故可常而不可易若驚世駭 **應時之人不深惟聖賢所以故千言萬語勤勤懇懇不**

火三日年 日十二 新安古雖不同至其精神直欲接孔顏真傳則一今欲 時集海宇冠裳訂學懸識仁定性二書以為士鵲明道 訓為後儒所異同新安之學遂少晦嗟乎繼往開來憶 上長安有仍而至者有透逸至者遲速不同其至則 慥皜鸱令有新安其人乎余執鞭所欣願馬蓋夫氏約 首竟未入目又如荡子以父母规為瑱也者且格物 之以約多見守之以卓蓋夫之謂與甘文貞公在穆廟 而傳之不但有功朱子且有功斯道甚大語云多聞守 風學集 Ø

别 金人口及台言 少必予爱敬之未至矣雖然吾有尊足者存卒不敢以 親者不敢侮人敬親者不敢慢人予生平取世忌嫉不 身體疑膚受之父母不敢毀傷余之足已毀矣又曰愛 氏丕承烈祖缵緒有耀余為斯道慶敬拜而弁之首簡 有志斯道精神而真何論程之與朱孰異孰同哉蓋夫 太少貞復楊子學悟性宗 日出所編孝經徵余序余卒業遲回者久之經曰 孝經序 見與余論合聯楊信宿而

而跪食而返哺禽獸未始不知有親也夫大者謂其彌 被淪于苗者族也不以苗忘親者真性也禽獸無知也 **丐而妖親者真性也苗乃異族也有苗泣親繼以殞命** 縱言之可乎乞人賤行也丐者行食於道得食飲即 經乎干聖之道之總萃咸情於是無所容吾贅矣古今 世忌嫉弛吾愛人敬人真心敬斂袵而序之序曰大哉 とこりすかか 稱孝舜曰大孝武王曰達孝下此者即不得謂孝余請 母食且為之歌數関盡惟而止彼不得不丐者遇也 啊學集

未必不四顧躊躇惟語之以孝親三尺監兒心動神 為六合有一物不孝者非大也達者謂其達之天下有 意也羅子宗吉何居余曰鵲誠設射者至之軌道誠立 拆而條達子與氏曰樂則生生則惡可已此集靈引發 靈引訟何居余日草木微物必有以鼓動之始甲而拆 吾言之入也常易此楊子惓惓于是經不忘也或曰集 覺世君子從人所常有者提撕之則人不沮于其難而 物不順者非孝也呼近之人曰來吾語汝以大道彼

金公四月石書

行者由之羅子宗古孝道之軌鵠也一 毀傷不敢侮人不敢慢人者皆是物也皆人所固有羅 道也仁曰仁宜曰義履曰禮知曰知樂曰樂所謂不敢 自來也窮之無原執之無端用之不可既洞馬通馬廣 應懸想儀章度數盤宗古遠甚且斯道也否不知其所 孝故事天明事母孝故事地祭不然事父母且不知 大無際窮天蟠地無弗周浹以之事名以之事長無二 ,非能為人加益之也必明乎斯而後可以言孝事父 **购学** 切揣摩意識思

翻定四库全書 夫道一 子之志不孤 日孝經十八章夫子從會子篤實處說出來學者必踐 母矧曰天地嗟乎安得起羅子而質之余聞陸象山氏 曰不如是非人嗚呼思先儒格言繹羅子憿古而後楊 可得于是系以一畫畫之陽者曰乾乾曰大哉乾元萬 傻篇實久則恍然無疑斯語晦卷年方七歲即題其上 而已矣昔者聖人仰觀俯察形容摹擬此一不 聖學宗傳序 卷四

周子早志真宗學有本原應前聖以一脈相傳恐後之 觀太虚昭昭日月星辰則無不一 名之譬之天一也東南西北之人各隨俗而名之而 我明新會曰自然新建曰良知皆是物也隨人所指 湯文武以是通相傳授宋周子所謂太極程子曰識仁 文之統卒不越此寥寥數千餘載唐昌黎氏云光舜 物資始乃統天此宗統所自來也夫子曰文不在故子 與氏曰見而知之曰茲與知雖不明言所以而萬古斯 然難言矣予友紹與 洏

Extone Luder

频学集

名曰聖學宗傅盖其意曰帝之與王聖之與賢隱之與 書噩噩爾今於茲書亦云讀處夏商周之語如身進渾 書因有感于皆儒曰處夏之書渾渾爾商書顏顏爾周 之千百萬世無弗同獨奈何不求者既委至實于草养 顯微之與彰雖異位而人同人同而此心同此心同通 竣又不如隱于草莽之為完璞也其意良苦奚予讀是 而求之者又横以意見意見穿鑿是取至寶而付之烈 人不曙斯義乃邀自義軒及我朝諸儒先有閼斯學者

金月日四百十

夫今以註易名者益亡慮數十家大都憔悴枯槁山林 儒先不得已也滔滔東注其何巳時長天永日恃有此 駁愈多心愈戚心愈戚視渾渾之風盐遠雖然此亦諸 渾顏賴噩噩之天未嘗不神遊心醉厥後源遠派分辯 問發憤于世者所為可以觀世矣子曰作易者其有憂 真性在真性不昧直息諸見揖唐虡周孔羹牆問茲傳 也吾不知其盡也 聖學象教圖序 胸學来

笥而已至于圖書尤不敢註一語近閱岳大夫某所 潛龍勿用勿用乃潛潜乃化鄒子沉理半生矣亦當手 神不化易化害也非近心粗心淺心者能入乾初九 患乎爱者幽也跡不潜則神不幽患者幻也跡不到 席從公指點以畢殘生一水非遥徒白帳個一 于卦爻象變各有所主茫然自失雖有管窺徒藏之腹 國如木難波斯百寶雜陳光怪奪目私恨日安得 編稿形深青然生平醉心慈湖氏已易皆睹諸君子 日公以 則 回

金炭四峰全書

各四

範圍象教圖見示故余一弁其端余一生從老頭中度 復公惟是覺公恐釋與玄之亂吾儒欲納之範圍中其 日半明半暗于易也淺公徹上徹下於易也深其何能 愛患深矣憶告有友欲折三教者余曰虚空之中何所 理太虚原自合也友唯唯否否公之意得無同友人之 曰天下之道原貞夫一一分為三三歸于一此自然之 不有各自為宗虚空不可剖也又有友欲合三教者余 とこりに こう 悲乎不佞與公皆在潜之初爻矣不易乎世不成乎名 颗华县

金为四月百十 文明而外柔順箕子得之蒙難正志文明而曰內艱貞 無悶凡人得一 學惟休心忘見則無我無我乃能逐世能遜世乃能不見是 即欲易世成名其誰與我惟在確乎其不可拔釋者曰 而 與公共請事馬 曰晦明治之義可窺矣夫子于易曰終身馬爾己 如石聲堅確然余謂石聲猶有消隕堅石亦可磨磷 聖學故關臆說序 爻即足以畢世明夷一 卦文王得之内

恃提衡斯道者則系乎人古我先王應民未若于訓也 Personal Ashir 視如是馬止觀民設教之意做矣龍侍御繁海自少志 天子曰糾吏治察民隱懲姦完丰裁凝峻使人不敢卬 之故曰先王以省方觀民設教而後天下服後世與圖 時有省方之舉察民剛桑遲速異宜立之軌則操而化 夫道在天下猶水在地中地無之非水人無之非道所 大人學資級行醇筮仕金華鼓吹六先生遺緒攬轡三 日廣人主端拱深宮以巡方付繡衣使者問其所以報

金片四月 全書 弗傳君又續諸先正語錄于後總名曰聖學故閱臆說 于知性知性斯知天夫此非落言詮非入意識非有等 易復也復性必先于透性透性者悟也軻氏曰盡心由 余得而卒業廣大悉備大都復性足以該之雖然性未 竟日已復條疑目示諸生馮先生曰此後學津筏惡可 鄉納子弟廝聽教持者幾千人侍御為之剖晰疑義者 君同過關中書院院故有少虛碼公為里中係酒率諸 泰义續橫渠先生流風而見之行事政暇偕巡茶張使 卷四

試觀一 即復即聖即凡何內何外何異何同何安何勉一以賞 Calore Lide 隱隱流于腠理故神醫以汗必透體始甦侍御云諸生 待非有加损透之可濃可淡可窮可達可生可 死即 于開闢改鑰之志不孤矣世欲拒人不得入也則為之 之無餘藴矣然透宜易言哉病寒者汗一息不流風邪 可謂傾索抉腸有能於此直下承領不作餓毫疑情者 用此道現前即易簡即神化灑掃應對便是精義入神 堂何當外却一人一人何當離却一刻此心運 断學集

之首簡 **象之所鼓暢仁風助流皇化者豈淺鮮哉予故樂而序** 中数百年道脉光大有耀歸而報命九重四方且則而 嗣自閱之機則不以有人而作無人而較而又誰能飲 關以樂之欲人之循塗而入也則為改關以導之此需 之諸君勉矣世乘傅四方者何限獨侍御一舉足使關 為放閉者也性否性也堅自拒也機自剛也能識自 易忝序 老四

學娓娓去未幾入為諫垣以射取集備兵衛表人謂公 探四聖之私至坎維心亨一語頗有會心處偶筆之名 生偕諸薦紳談易苦無入幸官五羊無事垂簏焚香直 俗抑鬱又不然攀雲弄日消其磊塊亦情所必至者而 以日月近臣拮据簿書必拂其出入補闕拾遺之心作 從海門周公而得知養初喻公公以陪巡偶過田問譚 曰易参子為我證之余首被乾坤二卦以元亨利貞皆 公視內外險夷澹如也一口寄所著易恭示余曰不佞半

火との事人は

願學集

已此皆直扶前聖之秘握乾坤之藴乾坤明六子無餘 坤即載其所復是晰乾坤合德之源也大象曰厚德載 **得舍自别無所為天是不以易視易而以身為易也坤** 者不息之真深明曰自明道曰自道成曰自成得曰自 統曰未有庶物先有乾元此易道之總萃也大象曰自 屬乾乾陽為大為明自始至終流行變化莫非乾道所 金少四五石 曰乾之所至坤亦至馬乾資始坤則順承其始乾主費 非離物以為自成物所以成已即實其自强之學而

火色日本 安排也此非真知變化實系實悟者未易至維心之亨 前瞻之在前恍然心目曰糸而曰糸伍以變又不滞干 **識體認者若而年真有寝不安席食不知味身依殿陛** 藴矣八卦儆六十四卦無遁情矣公曰彖者盖不知默 者自變中有不變者存不變者天則也非人力私知能 終身馬耳矣易繫曰糸伍以變夫子曰立則見其参於 心目問故曰知變化之道者其知神之所為乎公曰變 也不知其為華出鎮藩服也不知其為诎蓋與易若将 确学来

|體驗中來可以證自心斯可以證四聖之心倘不灑濯 讀兹書者共参究馬選乎易出于太虚太虚以前馮馮 乃心而屏知去意参何易言哉 心點乃意不以易會易而以身會易始知易系語語從 書下盤桓馮其意以穿鑿而聖人之易亡善参者淨乃 此皆不得已而有所寄其思于不寄學者復從卦象圖 翼翼何泉何卦何遏何書而聖人泉之卦之圖之書之 公殆非虚語耳海門子見之喜樂何似余故揭之首今

金分四石石首

此名侍御啟新錢公撰也余自馬寅别公公時将巡粤 **冢嗣侍御君巡三楚以一册贶余且屬序余拜而卒業** 眾方以公必為 時鎮臣不謂公以蹇諤與予等同錮矣 之也故極深研幾而作像象管見公學窺其大管見者 公盖慮世之譚易者荒唐龐雜令學者貿貿悠莫知所 公杜門謝客顓顓易學余恨不得睹公大全一日公 像炙管見序

次已四年八十

願學集

+

讌辭也公之意悟聖人二畫即人之像不成像則無以

成位其中實見得即人即像即像即理無一人無 金岁巴尼乙言 篇始知盈天地問皆象也皆像象也彼滯象者泥于有 情有卦畫有大象有中象有爻變象有占中象公皆一 之顧泉亦不一有錯象有綜象有正象有隅象象有卦 無一息不有像存定天下吉凶成天下亹亹咸此像基 而耽于像象者淪于空是二之也公之所深閔也若以 像而又歸根于象所以像不可見而公闌可見者垂之 一求其指歸馬每卦每爻本其象必求所以像求所以

|憂患乎夫以聰明春知如諸大聖是書猶必本憂患而 定にり見いま 揣摩而得之也後學易者處返樂之境加以不專之功 無窮極無極故曰聖人以此洗心退藏于密吉凶與民 設易家真所謂良工苦心矣昔聖有言曰作易者其有 像為理之近似是仿佛假借之見公謂易無是也視諸 同患其與民同患也亦自洗心藏塞始非以意識推測 來蓋愛患則困心衡慮其跡幽跡幽則神潜神潜斯窮 以探聖人之間與此與射覆溪異公散影慶局如茶 與學集

學日見之行為後碩果為泰校茅端有望于公公幸無 金岁四月日音 容自該三十年前公以白面書生出军吉州批卻篡竅 意不以既濟而遂已也倘終於也終於未濟是剝復不 余謂屯者乾坤絪縕之氣所凝也未濟者乾坤生生之 乎公曰始于屯仍為屯終于未濟仍為未濟公虛至矣 秘而不用困矣幽矣潜矣天完公與公自完者其在斯 堅恐者二十餘年才可濟挺坡斂而不試道足包九有 相來乾坤不幾於毀而何以成易哉道不終晦公以此

水含光螺山助響人人坐公太極中世錢氏易無涯也 道幸安得公再臨驚水一彈指問共窥無象之像俾鷺 不令諸先生見之子風切爱雅猶得序公鴻撰竊為斯 片時而決偕諸耆宿嘐嘐談古昔今公卓爾如是惜乎 RESIDENT MANTE 體何有宗也謂道無宗乎濟濟三千獨一唯鲁氏得 宗有小宗而後其統系不淆謂道有宗乎神無方易無 沔彼流水朝宗于海海水之宗也子孫枝葉繁碩有大 宗儒語畧序 例子!

宗未始無宗也仲尼祖述堯舜憲章文武宗帝王也軻 道象山慈湖在明则白沙陽明心癖六先生于是手抄 明也余风荷明師良友指點夾輔年來偶有隙明于先 氏願學孔子宗孔子也葢道一而巳矣一則天二則人 其語與道相發明者名曰宗儒語畧其言淺近詳畧不 聖一脉真傳似無所蔽諸儒最有契于東者在宋則明 天则亘萬古而攸同人則涉末流而多歧道無岐也學 之者岐也惟多岐而百家雁雜莫知攸宗甚矣道之難

金好四月分1

須 孝子慈孫一展卷孝思悠然而生是書雖謂儒之宗譜 同 也意之為害其去道也遠起諸六先生與之同堂合席 何益乎邑惶衷黄侯爱是書捐俸授梓敬拜手引其端 可也學者由兹直證本心頓息諸見揖磨虞周孔在斯 不谬於孔氏之傳則一而已夫名臣巨閥必有宗 體孱弱好閱方書遇名方朝手錄心注之有告予 問若復辨儒釋較同異取余所編者為辨駁地是人 月 川錄粹序

とこの 年心時

领学某

學 前 亦 未有得力幸返林皐至庚寅歳差有所入 道 人生在神與氣神與氣隨腠理器而康强無恙雖有禁 分子拾货册 皆言已之得非我之 無所用之分近味其語此治未病之說也憶余十 非 勃 **岩效讀書錄也者而最後又慕新建江門若以為** 從此不入口念心維然盤四十餘年來身心互 然師古而最慕用河津凡有憶見悉錄之以 稱富翁乎故凡儒先 得也而我持其咳蛭求道是不 語錄以為 始知先 此 特 儒之 紦 岳

多分口月月

醫良方而無病則方可置不甚省阅既入都門余友叔 修錦然醇儒直剡瀌洛而開我朝道統之原則固不俟 先野加惠來學意良殷勤余故識其首若先生篤行 事者而欲學人殫精於是是欺來學也雖然叔龍表彰 余言也錄中云心非血氣之謂先生之見卓矣世號 龍亦未竟余之學乃數以書促余言夫以余之所未請 能氏持月川錄粹一卷命余引其端余匆匆別叔龍 以血肉為心者豈少哉即此隻解亦足以挟世儒

处是四年全島

胸字具

多为口压 台票 鉅 無遗嗚呼威矣某髫年即知慕用先生每讀茲錄 文清先生大儒也醇儒也讀書全錄機之而 膜也夫 為之加 火遂棄去己而泛滥於他家竟無所得譚及先生 在兹如神 之而修齊治平廣大悉備譬彼良醫禁方名品備載 讀書全錄序 謹問有所窥期師先生萬一然幾成帙而 明臨汝慄慄乎神為之加悚心為之加 神 化性 如

命小子引其端鄉子敬拜手言曰道不在言言者麤也 累久之聲言亡眾見消意解水融雖言而無言也雖見 而無見也雖意而未嘗意也此先生之學也後儒輩 道亦無由入雖不可以意卜度而亦可以意會日積 道不著見見者虛也道難卜度卜度者意也夫道雖不 其趣操與先生不同盖先生學以復性為宗謂必閉 、以言言而匪言道亦無由寄雖不可以見見而匪見 都今年春虔南中丞李公刻全錄以惠後學

をこり 見いち

额学县

悟卒 造 而後 遽直達天德則千里得一士如比肩馬且世之駕言了 為 魯之軌轍而繼性開來之正鵠也善學者請事斯 宗謂惟在後禮萬物皆已惟在知仁萬念皆融此其 以道欲其自得夫中人以上深造以道不可易得而 誠聖學之宗傳但語云中人以上可以語上又曰 絕路矩日融月化意言兩忘其達天德也何有中丞 至藩籬撤大防潰不忍見聞者始知先生誠上 可以存誠謂必去念而後可以入道後儒以見 深 性 泐

金万世四百重

傳餘干俱易名從祀吾道吐氣顧其邱寥落似於報稱 也而冀訟好是懿徳凡人皆有石亨知先生薦先生未 不知先生於諸弟子來從學者率之力耕而食未有田 于衆曰我國朝以學倡者康瘵先生先生一傳新會再 丁已秋舉青原會少恭英公持新編康蘇先生集畧言 之義未當時或以先生有爭田訟不宜見知石亨為疑 公重新是書以貽來學其有所思也夫 康齊先生語畧序

火己の巨人等

顧學集

大理一內使不為日南京好官惟薛鄉可以是病文清 不加不損處理會更不必從世法上度長絜短一從世 當有求于世何於大儒過之深也鄒子曰公以陳胡 先生諡與從祀也于陳王二公有加乎而吳先生之不 金万四月五十 且余自幼闆先生訟田也以弟鬻祭田故夫士大夫無 .論伴世之學聖者於形跡上比擬而聖人之古荒矣 不關係田禮也先生東禮者也即訟非過而文清在 不祀情有烦言也亦有損乎曰無曰然則予等當從 卷四

乎夫人之精神映照百世者百世千萬世者千萬世故 文簡先生集流行域中亦既裒矣讀其書者曰大儒 曰百世以俟聖人而不感學如先生俟不感者可矣二 從祀後春陵繼之朱新安祀久李延平近始舉行禮 好氏擇而鍥之以傳其心蓋曰世之學者凌髙厲空 儒也横渠之後先生中興顧集中有語界數卷同志 必待人而舉公無為吳先生過計也 文簡先生語畧序

たこの巨という

确學某

志 南轅哉此仲好氏刻以公來學欲鄒子弁一言以告 相 身心性命之與亦既倘矣道在邇而求諸遠非適儿而 是真否道金湯且語中大言小言顯言微言天地鬼神 循 Ð 符契為各道蟊賊不小吾夫子捐博學審問慎思 非不遠言談斐然非不謏聞然索其實優與言頗 而別化也余弗敢信寧使學者履絕蹈矩足蹜蹜有 雖 **篤行之肯何諄擊也夫跬步未發而謾言神聖是白** 則 沿河實不泛駕若先生慥憶寫其言彰彰 明 不

金岁口四月月

次足四年全 与 有嬰兒於此投之搏恭欣然喜或與以鴆毒長者飭而 神孚言先者在又讀先生集者所當知也 士林譚两先生有不興起者乎是孰使之然哉其必有 自信文莊公受學新建守師說不變先生稟漁洛古絕 人士意也憶先生與吾宗文莊公俱以文魁天下以言 自如席問辨論有差而意色自如退而各相服也 謫州仲同為留都郎署同比屋而居顧兩人各斷 仁孝訓全書序 Į. 领学集 Ī 今

封而不肯含豈知不童子若耶故曰大人者不失其赤 黨同伐異飾已自便至於一知飾一能以自註嚴視世 脷 信新建良知白首不移顧世之談良知者或索之隱微 之人無與我同之人也命之曰天之戮民所謂驅而 止之曰此殺人不可食童子擲之地有人於此情識 **各獲陷弃之中者也長者復記之此非大人之學亦** 之心者也旴江近溪先生赤心為道絕無他念其尊 機知横至語以大人之學則眺弗信而或其所學者 既

聖神之基今人易知易從可久可大事業亦不越此宜 不感矣 生生之謂易嗚呼先生之學本于易質之千聖吾知其 杳冥先生揭仁孝之古本赤子不學不慮之真即美大 文三日平公吉 生世之嘉穀也易道首乾坤乾曰大生坤曰廣生故曰 鐸于庠序也與先儒曰勿以學析殺天下後世仁孝者 人楊子并董司冠廣而傳之而全學博某重銀以振 胡敬齊先生粹言序 順学具

步 敬齊先生以布衣從祀廟廷而學益光盖先生學與 臣得先生學顛沛造次未當少離卒益清惠世宗 生有語錄為西學具獻臣所編者思江明府異覺生 長吟鬼為唱和質鬼神無疑侯聖人不感先生以 以出入拳拳服膺欲刻此為多士鵠屬予弁其首夫 匪夷所思臣元某竊以為昭代第一 以先生並陳王從祀盖上重先生為行沉修淵懿 公皆昭代鼻祖文清葉從祀會請祀陳王二先生而 卷 **殿事 開先生散** 聖 文

徃 . J. 10 ... J. J. J. 曰昔人以風行水上為文而終猶有至文馬吾鄉先達 犯因悟曰士之俸壑昂霄者猶是也又常涉溪澗清 **羣峰中獨一峯撐雲凌霄如偉夫人端笏朝堂凛不可** 名 于今君益信矣 燭鬚眉泊逆青蘇觀渤海排雲凌霧其可涯沒因 柳蘿東山草奉蟲蟲磅磷蜿蜒亘百餘里龍蛇生馬 臣今君世先生學又欲以公之多士學道而後愛人 羅一峯先生集序 钢学朵 唉

疑 羅 盡 之所 交 身在忘言则先生之所 道其間乎盖世儒之所 不 乎然學非陳之學紫陽之矩矱也巧力 並樹標的獨陳新會以自然為宗先生雖 文毅足以當之然先生進於道矣我朝理學河東餘 題近儒一東新學談及先生 飘以未 閣性天之 蹇為 謂 知性不離偷物之常進退取與是已先生有一不 性也者如以足履地標月者指即有象履 韜者固也您清吳侯自幼庭 謂 性也者如 51 抬 不同 與陳稱 標月先生 矩模 地者 则 石

銀定四戽全書

卷四

呼佺凌霄之举培塿為早暇巨海之濤涓流為隘學者 三王侯百世天假以年逊周曾而上之無難矣先是有 道體追宋周子提衛無欲一言為入聖之要先生之 師先生政暇敬奉先生集刑諂增遺敏之以惠來學 問序於余余惟聖門之學傳失其宗曾子以鸲鸲 徵良心之同哉此雖不能即得之今日然有待也鳴 廷 雖不得而 議諸從祀名賢他唯唯否否獨先生禽口同 测其涯然鸲鸲無欲可建天地質鬼神考 歸

とこの 東人生

願字集

篇 金少口 絃 行 谷平先生學以求仁為本以開 譽言是觀山忘本觀海忘源必無以得其高深予特 如交 而先生之學可窺矣尚不究其所以然而 有景行之思乎巍然沛然在吾心目者果何物哉 恨如對上帝族子及諸門人侍坐至竟日不輕 發 蠵 無事安排為實際余幼時聞長老述先生居常쬮 L **俾願學者有所览鏡馬** 1: 1 谷平先生粹言序 邪為功以直任天命流 **猥随俗之** 著 悟 明

夫ロ 家法安在其以言尊先生也世皆知先生養還不知 生者也世或疑文恭為先生高足顓 生 化 俱生俱凝未易以語人者境至幽而仁至熟美余每 及通衙十年讀易梅亭所得于動都消長之機與造 與先生學分道而馳不知文恭一步一超究然先生 及仁守為難能未常襲世人弊以為髙奇此善言先 不復與辨惟期實有諸已文恭羅公云晚循漸次以 穆 如也盖是時新建學興整養羅公猶徃後 制發揮新建餘古 辨 難

火色の長人時

颗學集

‡

生偕 先 新 其首以識仰止 請先生語錄謂為濂 吾吉正嘉問有名儒東川先生者慥慥篤實君子也 也 建從劒江間宸滚變歸艤掉先生而得倡義之說 播 世有良田在後之人植而私之先生言吾黨之嘉穀 也说 新建夜叩 而殖之是在二三子諸君 とする 羅 東川先生語錄序 都門太守踉蹌出迎既百務總總先 洛鎮羊敬語諸先生家子弟曰夫 躍然刻以傳敬拜而 31

حلية يدر عقد ص لديد ل 宜為 知竟 2 名 則 至 成 代郡守檄各道兵餉及新建屢推功先生為當路 臣且知公學沉抑已久寫实一 從予進余語諸 即以先生崇望守二千石特宴事為郡國冠冕轉 掛 鄧 世津梁諸孫是余言謀而 龂 自 做君皇明書 冠歸先輩出處不為如是先生故交新建而學 信後 新 孫曰先公之學布吊叛栗派洛 建説威行而先生學稍掩先生 出及吳郡侯戴公三祀志俱 殿学具 刻之予題其端 朝誠不可掩如 十七 如 是 列 此 頠 獠 凯 刻 公

大司成 生學 先 陳 杏 而 督學長卿謁新建公祠以正學訓諸生妮 必錄 趙徳意甚或二公竭 生功在西 疑情未斷則不肯于味之遇敬托少条周公繼元 陷公周望于先生學根其大肯令諸人士望 如 徐曰仁王汝止 門宗肯序 江 顯著學以西江人傳且信 卷四 日夜力于先生片言有關學 汝中錢德洪為先生萬足者 1.顧海宇 妮既 于 思 的 失 脉 回

言

必載書成名曰王門宗青山陰今余君有志斯道

使 徳 善必行者乎呼而告之曰知之為知不知為不知曰 為出自王先生者誣也夫子及門之士如由 在知其所有朱考亭氏釋格物亦曰人心之靈莫不有 베)後先生挾此二字以覺羣迷若謂先生獨創也者(不 者解孟子在戰國時則曰不處而知者良知曰見 屬元某一言引其端元標謹拜手言曰夫今以良知 諸 知以知為教是自孔孟時已然最後諸大儒出曰 儒先何當不該該以知開示人哉顧當訓詁沉 非 ġή 稱 學 知 漪 闻

Ment for the first

類學集

佹 金分に五人三章 儒 竊嘗謂先生之學直接陸子或者又謂陸子與先生學 除識者以為名言良知者度世之一筏既度無事筏矣 苦奈何一也有餘有聞而喻之曰方以治病病已方可 知非先生臆言聖賢所已言也古有單方久塵故牒 禅不知 倘未當以身研兩家情狀先以意見横入曰此 得之持以活人者產醫軌記以為我輩百方試之良 以自閱閱人禪與儒兩冤亦并以自冤于先生學無 知禪者然後知先生學知先生之學斯能知 卷四 禪此 有

言曰余初不信良知者乃所以信良知也良知即 生言備害艱阻直證天德與近世剽談者霄淵故當有 損元某生也晚猶得聞及先生門者聲放竊竊然疑之 家舍是良知蟊賊先生而起掩耳何疑嗟乎學無門 剛 **廼任其僻愚自尋徑竇叨天之靈更數十餘年始知先** 殊可與入而世以能論辨博園融遷就沉溺欲海為 始之謂本自嗚萬本自慥慥不以識識不以知 健必墮于欲非篤實必二三其德體乾之健法恒之 知 乾 非 知

,願學集

ŧ

有先後以先覺後似二之也久而思先知先覺者作者 耕草氏有先知覺後知先覺覺後覺語余嘗謂知覺寧 之古而宗廟之美百官之富行且分孔氏庭何論王門 由 長卿使君傅宗肯意也 天下萬世寧無其人乎予與前諸君子日望之矣是亦 兹門至于六通四關無宗而無不宗斯又善會王門 則苦茫為有門可守亦屬藩籬子不云乎曰無知也 石蓮洞全集序

KIEDIA Lidus 弗光也必挺間世之賢以接續其統緒此斯世斯道晦 命世之賢以尋繹其端倪又不忍端倪之不可不仔而 後而匪先其傳不真天不忍斯世斯民之罔覺也必先 之聖也後知後覺者述者之明也先而胜後其流不遠 亦各隨其寓之所值力之所到至我文恭羅公信而愈 明之機自古至今不容誣者當新建之說一 非信新建也信自心也而所傳有通有塞有全有偏 疑疑而攻者十之九獨吾吉諸君子起而信之諸君 願學集 = 倡海內草

享膏腴不知祖父之苦卒必至湯覆無餘卒未能世其 譬之祖父辛勤立門户拮 堅然於諸君子言有從有違世或有據識神以為知者 無 家也與諸君子往復言甚辨信者唯唯否否然公邀 公而尊然後知公無現成良知語乃所以深信良知 回世 節 悶半生作苦林泉者真有寝不安枕食不下咽意 細行光昭日月海宇人言曰新建學得吉州起 問無現成良知新建公從龍場萬死千生得來 据站茶不知幾朝夕子若 得 孫 世

金石口戶人事

赵四

論之世無見成良知一 昭 漆 亦 開 枥 栭 在私淑之列一言一童皆心傳所宗謂公為新建之 後信其所疑倘公以耳根入不復深究其旨是漆 雕 所難者今之人反易矣孔門之學從追者甚衆顏曾 知可也可與世之族藻揚芬者倫哉予又因是而備 日星軻氏私淑孔子者而以見知自任公於新建 惟孟軻氏起紹仍而光大之讀其七篇夫子之道 開有聖人依歸猶曰吾斯之未能信蓋疑其所 語公為以情識當良知者樂 雕 信

とこのほんは

新学集

<u>÷</u>

荡者既不敢認情識為現成必求之寂然不動之真世 不應之知也人之所不學而能者良能也紫已失矣惡 知者良知也業已敬矣惡得無慮故慮也者所以復其 尾續貂也公惡得無辨愚嘗為之說曰人之所不處而 顧良知全體不見而章無為而成渾然各足無欠無缺 無學故學也者所以復其不學之能也庶幾世之养 确 天地而不為始後天地而不為終時人既未窥其全 復以情識當之曰此現成事物是認賊作子以 犸

金少した

侍御名于庭字孟諤號中湛起家乙未進士宜與人先 從石鏬中吐青蓮一瓣薦公者乎余且下拜心師之矣 **递条集兹名其坚介清净之意可想見有能不淄不杂** 文恭公之意乎故因侍御公重新公集而并識之石蓮 2.10 m Lites 公舊隱地公自題曰初平一去惟留石茂叔從來只爱 之止修者亦將由學慮大路以全本然良知之體或亦 公後先振道威心媲美先知先覺有作之先必有繼之 是安節吳公巡豫章刻公文要風世令復刻全集與吳 领学集

毒萬有乾坤以六子為用六子受成於艮不艮則雷 風 矣然必曰利貞貞正也固也盖惟收斂歸藏而後能亭 答言天者孰晰于易乎資始流形形形色色可謂大通 部分四月石量 後者魯多君子予於陽镁益信矣 以法天尚安能弊與然役其精神久薰勞不息馳騁而 至然以大無以尚矣猶節其章光愛其心神 散雨 耀念巷先生文要序 潤日順先說有時窮矣故曰成言乎艮夫天道 矧吾儒學 動

潏 愤 成良知曰收攝 游 不應而知乎曰收攝收於何處口保聚聚者何物竊 既乎故 然得侍從游先生者剽竊餘咳最與緊語曰世無 惟冒 無疑恨未起先生九原請質之又十餘年親世未當 臭可即嗟乎微矣元某生也晚未獲從里文恭先生 無餘而非有形聲 認識 惟聖人能以此洗心退藏于密曰洗心則 影以為 保聚元某旅完十餘年曰孩提知愛 知 可擬曰藏密則其端無倪而 體而稍窺端倪者軌湯瑜 縋 非 有 非 現 不

次色四年公時

數學具

İ

受玉蘇楊公於所謂澹然無欲者既已淵源楊李而又 海内有片長小善先生冲然有以自下宜其集諸儒之 壁立千尋仰止金牛齊莊寬裕切磋西吕安成雨文莊 依新建不知其初盖禀承邑先建李中丞公而李公默 生之學本于易成于艮傳之無弊也固宜人知先生宗 ど 大成也彼津津新建殘無謂道止此外有可以開覆抉 捐形直達天德語類頗衆門人未能盡舜其藴與先 知先生言真末世津梁有所激而云然非遇而諸豹

C

ノニーて

一次足四年全事 Ë 駶 謂窺先生変與萬 先生有年觀 卷先是常與同志曾大理于健郭中丞相全劉光 调宜稍 後進不可無言元果拜手引其端 投之帆縮武不敢入視先生何 正鵠託塘南王先生删 歐 約 陽文莊公年語序 風螺 アく Ų **贻來茲而竟未就侍御安節異公神**)1] 哉 撷 願學集 江正薦先生祠下謂先生語 訂數卷題曰文要公曰子 如也先生有集十 如此用志 ÷ 19 私 揪 祿 静 敢 餘 ō

桁 志 亦云世當見公立朝以道佐人主三十餘年不動棒 楢 凡名儒公卿没門人子弟譜其生平德履千百世讀者 何壮也公學見其大好惡俱很偏黨盡融所 至承式不知公年方弱起谢計 始於一念一念根養終身樞紐余令于文莊歐陽 有典起馬而自善語生平者莫喻吾夫子志學章先 謂夫子自立而至不踰 性赞天地之化育惟公有馬視彼世儒 • 矩亦此志歸宿處盖終身學 俗獨田而 糑 韵 稱盡 新 枥 建初

家孫: **火足刀軍私害** 臜中得所為 先生言無當于世用者惡能得公之大全也公年譜 先生既没之明年同門督學郭相奎氏與今子順搜 為識公之大者如此 鐫之以傳或問予曰先生以盡性至命為宗以存 總名日全歸 錄事君宗翰謂余里中後進有志者屬引其端敬 胡廬山先生全歸稿序 剛 稿珠壁錯陳隨地流 脷 小錄 願學集 及補過因學明全諸錄寝室警 輝順等不恐 捐 置 松

為 金グビル 亦 中途不得請則單車赴任委曲懇惻 為 過 終啟手足以示門人庶幾無忝所生先生生平戰兢 以全而歸也曰日錄揭稿諸家報何曰 化為功學已關聖突矣諸錄得無贅乎余曰學以 何 義出處進退人道大端先生雖後遊聞君命則 周修先生已洞然聖學之大而復 入門以修為實際悟而不修是為虛見修而不悟 以禮也曰先生臨終也而手筆謂何曰告曾子 卷四 與困學同 用意忠厚其仕進 灑掃應對罔 功 兹 懇 是 įβ 解 非 悟

積寸寸而累其心良苦乃世之學者馮其荒唐揣摩之 をこの早から 猶倦惟三極之真百聖之宗則易箭之志也披卷者 "菜必有豊年凡我同志共勗之 縣然後美拜不生乃情 農後從而 辦之先生欽 灰中承李公自英歸泳游溪衡日 漫無所用心過計先生之苦難豈不左與詩曰是猿 以與矣余皆觀良農之明也播之美種矣然必深 何善山先生文錄序 願學集 惟明道覺人為事 <u></u> 鉄 畊 而

卒 得斯 學庶幾色人士有所師承乎子為我弁其端予敬受而 著 金人巴人名言 셌 述 定體何從而守知無所得即有所悟知無定守即 業而知先生之學非膚偶所能測也盖良知之說余 日致書余曰邑先哲何公善山 而聞之長而不能竟其義近始覺世儒之談良知者 也夫學從外入者必非家實非家實斯有所得有 雖 可得而守也先生曰心性既無形聲何從而 刻而送子懼先哲風流綿邈近利其副以公來 卷四 稱新建公高足弟 得 子 ρij 有 既

定 定 · · 改定四軍全書 學務無情斷滅天性學務有情緣情起釁不識本心二 定主彼耽耽欲捕風捉影者可醒矣世儒有窥見性 亦 者皆病之語留滞胸中二十餘年近益信先生之所 思矣先生之學予不得而測其涯馬余向聞先生言 體者又不免滞空先生曰本體固無聲臭然不可 可不識仁言有滞跡言無落空無一可者也惜生也 本心者即 一認定未免為聲臭所染彼詹詹欲沉空守寂者 程伯子之所謂識仁識仁言有亦可言無 願學集 <u></u>二十七 無 **(3)** 源 可 謂

同 晚 世 世遺範猶存此不可 祀其鄉又孫 人士讀先生書聞中丞風可以與矣 志就正馬中丞公述先生有隱行 是善山何先生集成元某序而傅矣中承李公折 不得侍先生以竟緒論敬推臆見先生學析崖畧 姻清真雅素進退不負所學惟惟茲刻尚友可知 黄 洛 勁 村先生集序 抝 而孤其母復以節著先生之學雖 觀先生之大哉中丞公與先生家 没也邑人有思祠 没 與 簡

处足四華公馬 生拜命飲水不知所悉既乃被先生集讀之曰以意念 世勢虚見眇實際者其言誠救世良削然古今學術 同 之善為良者知為有意之知覺為有意之覺臭腐元氣 眇實際者必無真知道無二也今年夏公復以洛 為本領鄉子懼然起曰世儒以有意知覺為良知者 目如是安得起先生九原而質之曰精于用力莫慈 生集命予序余既不能闡何先生大青復欲序黃先 願學某 ‡ ^ 無 村

余日子奈何以已見而緊何先生學大都中及公緊

斗大零城名儒產出山川雄瑰鍾靈如是余将一華拜 何卓也曰良知一而巳晰之離合之贅渾然天成燦 先生學者若復加擬議依建其問先生謂我何嗟乎 者惜乎見之晚也謹根其要題之首世必有以予 而晰之而合之而擬議之者聚未有親切着明如先 若所謂絕四不起意者其用力處也鄒子曰當時 理 為赤機者視慈湖如滋聲美色然若書闢之先生見 使擬議依違其問非毫釐千里乎夫當時談良 表四 솼 扣

台罗巴

1: 1:

施為惟一見成均愚常思之必有不斬言而言不斷 當正嘉朝浙有楓山先生以耆儒為海内宗盟惇尚 先生祠拜聆中丞公侃規馬 处已四月八季 如是乃隆萬問吾西江义有定宇先生科名出處大畧 退屢起屢上書解免每即家强起積官至大宗伯考其 楓山先生同官國子領銓曹亦以在家强起至再 信的天地光日月而質思神者在不然何永終有 鄧文潔先生集序 願學来 <u>†</u> 譽 信 恬

神内 金万日 莫逆常窥先生退然陋巷中純誠孺慕外 子云青天白日奴綠知其清明先生以之盖當考較 三乃拜海内尊之也若威鳳祥麟共目為希世之瑞 塵埃滿座而客疑然而神穆然而心窅然有友問曰道 先生學術章則步超濓洛言動一 徑而亦不遺其精詣務求自得而已元標盖辱先生 似日難言再問之急曰知而言未晚絕不得窺其涯 照洞 月月十 做性 體當西江諸儒祖述良知後既不落 遵 先程矩矱鄧則 即几案床榻 韓 Ų 澄

終日不輕吐單詞先生如有知乎得無曰吾欲無言 諸門人私相抄錄以應命做言片語神情畢露達者自 已崇其廟貌風勵後學而又欲表章其遺言余乃搜求 時常特薦於朝頃按郡江右悅然念九原之不可作也 **一勝梁木之嗟侍御安節吳公知先生最深當先生隱約 浜先天而天弗 違先生殆其志于斯乎先生薨海宇不** 耿 要難口舌傳也謹為述其崖器如此先生恥為察述 不作應酬文字萬不得已亦經十餘年始應與人接 爾

钦定四庫全書

順學集

9

先生 執轡身仰而前下坂何若余曰執轡身俛而後先生大 此近溪先生論學語太史楊子豪而梓之名曰識仁編 生不可始從其僅可見以窥其不可見者夫此惡足知 瞻奈何以言求找以言求我卒不见我雖然世求見先 月餘夜半請益先生曰子騎乎余曰然登髙何居余曰 以傅同志者也憶丁五歲先生入賀至都子侍先生 識仁編序

|學有宗古有功夫有入門有結果先生卒詳教我先生 而弗倦本體即功夫功夫即本體入門處即結果結 不慮而知不學而能體此於已學而不厭推此於人教 之長幼吾幼以及人之幼天下可運之掌以言其體 折簡曰孔門之學求仁為宗求仁莫先於恕自名乎仁 也日已欲立而立人已欲達而達人自名乎恕也曰己 不欲勿施於人老吾老以及人之老長吾長以及人 曰公他日無忘我余不省先生行乃草書呈先生曰 願學集

一 更至四軍全書

四土

引而真心亡矣故先儒立教欲人識其真心盖於其潰 識人之真心也是心也古今聖愚人人本具而必俟 和之至也順之極也識弱而情 中識先生亦晚矣夫仁者何即人之心也識仁者即 直領無疑方欲請質先生而先生已為古人令從簡 何益亦子之時見父而愛見兄而敬無作惡無作 知先生所以醒余者甚為且切惜當時資愚質鈍未 即入門功夫宗肯可一言而盡也余額之遲回至 動情 動而欲熾進相牵 今

飲定四庫全書 括萬古綜統乾坤生而不益生非以意識承當之謂 孔子曰道二仁與不仁而已人乎仁則出乎不仁悟 收處極之東支西吾未免減東生西惟直指其本有 一正百正領端表理斯聖學之宗傳而各衢之寶燭乎 徒中所載諸語盖有契於大易生生之古故其言包 雖然豈易言哉仁固仁也識亦仁也以仁識仁不幾 柯伐柯乎在學者證之而已羅先生汲汲一生與物 不悟則迷未有立仁不仁之界而處乎迷悟之間者 人 顧學集 + 刖 刖

謂 人乎哉軻氏曰反身而誠樂莫大馬曰反身即識仁 巨室之子切而指蕩於外長而有知思其祖父廬合 書 被既識祖父廬舍矣其無所解予心者天性也而由 反身未誠猶是二物以已合彼又安能樂故人患不 然出涕知者引之歸舍曰此爾祖也爾父也爾廬 也嗟嗟不落意識者誰乎或曰識仁矣其功何居余 朝日不仁不知皆利不仁者譬之痿痺疾在四肢 以疼痒者為不仁先儒謂其最善名状今之嗜 舍 利 可

一次定四年全島 所 明也誠也誠明人人本有然或蔽一 斯 君子刻是編鋒司屬予引其端余敬序之并述先生之 識 東越證學周子繼元誤也或問曰學何證為鄒 教也 證證斯學周子自學自證亦欲人共學共證也證者 仁矣識仁則生生則惡可己而何事之與有同志諸 訓我者引于首盖與是編相發明且志余負先生 東越證學序 願學集 隅或局聲聞聲 五十四 子曰學 베

夕惟以學相切劇余訝其變而之道一日大會中觥簽 数者更十餘年 犬吹日茲周子證學之所由傳乎鄉 絶 知 周 不越此兩 Q 以談也敬一隅者如從除中視 如人譚山水之勝 子 之體光周九有而不 拜南部人謂其实擅國手者久而又 途轍至有直窺性命自然而告之又如 周 子從商籍起後與鄉子聚首南 開者據以為實不知時顛窮 * 滞一隅 也今末學暖暖 日以為 子故與周子同 日體如是 調其通 都 姝 源者 蜀 箝 姝 不

巷 謂 同志大并心神一旦恍然無疑既持憲東趙過鄒子茅 矢口 ここうこ 大勇矣或曰新建傳習諸錄所 出 βÍΓ 相對自餘 性 天津證道初 體而後 沢色相 聞者多不開 1.6. 為真學證必徹性地而後 始 視彼弄影搏空者方且悲憐之無及真 語 知 周子刳心於無窮之途不匱之源 如花 悟周子復揚其波 额华集 欲吐尚含其夢後龍谿氏 稱存理過欲諄諄 何耶 為實 卵子口學 、證山盡 3+0 稍 忘 詳 必 稍 可

錯

周子復持論娓娓

鄒子中以小言歸而周子與

|部兵四月全書 **憶吾吉正嘉前宗鄉魯禰瀌洛家相踵也新建懸鈴耳** 非 龍谿而出者也雙目炯炯 窮能者從之龍谿見地非不了義者所能究竟繼元後 末路世不自證以繼元之身為證者重且周矣 沥 驚亦能使人神 繼元氏乎雖然語上語下吾夫子盖並言之望鞭 行者千里得一士如比肩馬繼元其謹該世法堅 £ 塘南先生全集序 怡情曠東越之學從今益顯益光者 卷四 横衝直撞所至能令人膽落 影

謂 念卷先生起尊信其說然以潔履疑操足取信天下新 某自縮髮泰海内諸同志 **建學得先生始信先生後有塘南王先生言必曰文恭** E とこう はんに 性 識得此 獨不 透性别無餘事此即 恭而静定幽探者年如一新建學又得先生一行元 新諸前雖斷断自信載在用知錄猶可改記而 然日未悟 體以誠敬存之之語便以為落第二義王先 為悟盲引衆盲卒堕坑輕言甚辨 程伯子識仁之皆然于伯子所 颗學集 總其途有二端有謂學在透 用十五 有 纙

者 道 有 俱 金分四月全意 稱透性易世者何如余不無遐思矣舊故有孝友堂稿 不衷先生泊乎無營淫乎無欲步而步趋而 不 白 以易千萬人然子親未轉法華竟為法華轉者兩者 掛當時事堅志熟仁不易乎世世未有不易者夫學 大德口生孔生機在轍環易世故易世機在轉當事 规 规 敗之道也王先生年未父懸一楊金牛衛清上 矩正宗即易曰立不易方先生以之回 矩惟静與無欲為正猶衣之有幅 色の 也衣而無幅 超夫 视海宇 非 ip 吾 D èΙγ

師 因先生遡吾吉 友慶堂稿侍御桐柘 識先生大者簡端泰知為先生髙足淡凝雅尚步武 門先生學其有托而 種傳世泰知蕭損之氏并刻金華致書鄉子引其首 賀汝定氏編也侍御公曰先生一代書儒語 友慶堂稿序 鄒魯餘風参知功在斯道者遠哉 顧公彰教衛治日屬塘南王先 海內因然知得視先生大全又 礟 詻

とこつほんか

文宜精複者宜州汝定華命惟謹而公刻於豫章致書

频學集

字立

将 父數年縣而之楚冒他人子歸面目 元某謂此俱無足憂者昔有私挾田父幼子之楚者田 謂王先生痛懲安認虚談者言為有當此真衛道威心 簡 弊諄該針砭不少假貸似今日救世良剩子一言序 绑 舽 端余憶先生語錄及集序凡至再其何以復惟是 子口先生於本體未當不赞引而未學妄認虛譚 而情者楚越何者天親不可人為也老農果腹咏 制 羽客向之談天解仙厨甚其乃其腹楊然又 相 肯也 語言 相 諸 イベ

|舒定四月全書

卷四

鬼神之所 至今數百年何獨漁洛 後之人洞若 虚譚與冒恐者即身都講席賓屬學子纖毫疑情未 目至衆也三尺監兒品品瑩瑩欺人者祗以自欺無論 從農家持鉢世之妄認虚譚何以異此人心至神也 とこうほ たかち 胡王諸君子以道鳴也元某謂無足憂者此也道 人之道也干聖之所總萃也天地日月之所昭鑒 炳靈也考三王俟百世一以真精神為之 肺 肝 矧此戔戔者乎使道而可假借也 關閩我明二百餘年又何獨薛 賴學集 四十二 徹 流

PIT Q 贯千古在前千古在後非人所得與子不得獻之父臣 金好四月全書 而 而 俱盡王先生學從誠靜與無欲入五十掛別八十 轍環濟世為夫子家法口談生生身落世間行言與 得獻之者弟子不得獻之師以誠而基以静與無欲 化精凝神一 私于秋冬卦至十月剝落極矣復始見天地之心乃 入世儒非不諱生生矣不知天地大德生于春長于 源本馬先生同時有衡盧胡先師 何深不極何機不研讀先生集者贵知 卷四 及旴江羅先生文 四

人己口軍心事 風急天寒儒門定脚者也 豫章若酌水于河鑚火于燧有餘師矣敬以是平侍御 九原可作吾将誰依余因先生又思及諸先生求真儒 而返不知直下承當廓然無聖家家有幾王先生所 公澄清斯道表章前哲威心而于王先生語終不敢 註 鄧先生皆側身嚴穴濯濯風塵之表用能通做致大 腳或者口聖道易簡王先生語未免令未學望洋 王夢拳先生語錄序 願学集 8+4

在王先生左右近歸耕先生已為古人徒得其子印 蓋余自孝廉濮被侍王先生切祇後計俗謫亥步窮處 金ダル及とう 萬古磨整一點真精神有卧薪當膽之意豈聲音笑貌 為哉或曰王先生學何如曰藉用白茅慎之至也慎 叨起家碌碌南北與王先生跡稍雖然心神映照時時 語錄讀之如於先生聲效讀先生言者當知先生從 以性無所失矣此王先生之學也 紀善新編序 ρĥ

Daniel Listin 閥 **新敏视高足者稍避先生没後使人不疑于學則君是** 又當盧墓三年君是編上自大聖以及諸儒碩名臣故 有一 君樂道人善最好道古先哲節烈李義事隱做者彰 少聖人之道大虚者其體也體無不善有不善者則 予鄉夢奉王君所撰者初名續為善陰隱余以聖製 顯揚者頌述之如徒步拜六一文山之墓澹巷之 敢給述故更茲名君為羅文恭先生弟子先生在君 善必紀見為善一 颗學集 ·脉自免舜至今日其心一 四十九 誾

肯不明易曰知至至之傳曰不明乎善不誠其身余安 拾顏子有不善未當不知真知也真知者真體也惟 提然始之浸法也如蟻穴其卒至於治天懷山不可收 意之動也善學者悟無善無不善之體致謹于善不善 多好四月全重 則未當復行題世儒誤以知先行後若两特然而善之 動斯庶幾哉可以語為善矣盖善不善之幾猶之河 也君我我一生老而手是書寄子子故捐俸刻之蘇 明善者而語之聖功哉兹余所以萬目而思撫卷而 知

夫子告子貢問君子意也子貢墮在聞識故藥其病而 也夫 躬行亦奚異於是曰先行其言而後從之者非耶曰此 適照不然其不至於摘植塞途者幾希學之不講徒 曰子知通燕者乎先詗道里寥廓山川舒迴然後可以 予告與友譚學友箴予曰學豈在説読為哉躬行足矣 問冀吾邑士人有所觀感馬君老矣親是書成其可幸 李同野先生先行錄序 ~ [**、願學集**

直若跛蹩其為不學子訕笑而譏議者甚矣嗚呼其是 天下今之天下即古之天下吾之人心即古之人心彼 父子馬學之為夫婦昆弟朋友馬言理便是實理言事 日題哉先生之心乎古之學者學之為君臣馬學之為 聖極功也未幾同野先生以先行錄命余弁卷端余嘆 告之且聖人與君子有辨**口聖人吾不得而見欲得見** 君子者此可以見矣他日又告之曰予一以貫之此希 便是實事近學者譚香助之論高入青冥忽庸行之常

行若不知德與不修等如入暗室有目不見以手扶壁 |行名錄誠末世之瞑眩也友曰子今左躬行何居曰知 而後在其中先生皆當以母意為宗觀其言曰學貴 說為也萬里聖途即之則是凡我同盟請釋斯語 躬行為是今以先生躬行為正盖各有攸當未可 足不前子可以觀矣子知先生之學則余告之未以 體識得語知而行在其中語行而知在其中語先 . 朝学县 李

弘笑而譏議者亦吾躬行之未至與先生論學而以

躬

語所能盡先生斯語兩忘之矣且夫人有語者有所 險夷風俗美惡丘壑現奇視官闕宗廟百官美富軌 客證之所書也入縣者身經吳越齊魯曹滕之墟道路 得道者忘言先生可以忘言其有言者先生生平潛 不忘老于都門視前所經者若固有耳先生自得非 此 幾為適無之指南也夫 **塘南王先生語錄也或問曰先生學在是乎鄉子曰** 王塘南先生語錄序 識 修

甚至使世人以學為詬病之人也禪若瓊屑未落口響 规 可 髮入朝皓首為儒家數空而一介不苟記三命而堅卧 **欺神也余侍先生三十餘年窺先生神萬一矣先生結** 語者語者人皆得襲跡也所以語者已不得隱人不得 生余常疑良知之學流而浸假圓通之說文巧宦之習 亂也海以內惟先生以之此先生所以語也首徒規 然執是語為先生學而不得先生神馬在為善學 移和而介幽而贞渐上九泉曰其羽可用為儀吉不

をこの事で言

願學某

<u>+</u>

子曰王先生吾與子嚴事者茲刻其語鏡來學子曷 學必有的則兹語惡可弗傳耶余友郭相奎轄楚折 随聲消先生東氣寒凝初終若一使世知儒之必有真 為前茅余謹拜書用引其端若復從先生語錄中 註腳是為剩語且負先生 心神所寄簡帙煩重願更定以傳子與先大夫母在 江今張肅之氏抱其先官諭廣過泣曰此先大夫生 ų 張陽和先生文選序 简

句 心期 温 意謂斂合有期処公再出元標乞歸舊隱公遂為古 とこのほんは 兩人徒書情往來今後從故情中擬公差哉元標社 後公一日宿古寺睹公詩淋漓壁間次韻急歸慰吾母 **没汲皇皇若學鼓求亡子聞一言當于心也拜而受** 飽然史不載其學術發研何自公自登第後所至求 烈事亦並收不遺公志也昔人有巨魁者曰志不 日凡公所譚學者碎語尺贖五收之而所開楊忠孝 惟無讓余思與公度星沙公先一日登藏養去予 **畅学集** 조 門

講堂夕路華要江陵時禁錮斤逐殆盡世且為波流 譚學江陵時難華亭時右名理即以理學為窟宅朝登 無窮達也昔有大臣善鑑人者親舒文節未第時日子 以公未大行天下為城不知古人不得志獨行其道道 天下為極致此公學之崖畧也盖當論譚學華亭時易 公何心哉真以斯道為已任而任道者必以明明德於 為茅靡公亭亭孤審至冒江陵萌不辟易公勇矣或者 里民有疾痛也引為已真不難以其身為百姓请 且 命

ありに五る言

长四

子言仁子與言義橫渠言禮新述言知今當提信字此 シニロロ なん 從之先生之學其必傳也無疑往余聞先輩論學謂夫 **吉危言而扶掖太僕公崎嶇羊腸鳥道萬餘里兩上書** 即古忠孝何加馬光儒云學之為言孝也忠孝立百善 叩闍鳴太僕公冤心可剖血可枯命可捐以報親儿泉 状元子小之即假今起羅舒二先生與得意者論必不 今之文殺既文節慰天下再過之問曰止此乎曰忠孝 被易此先生為秀才時作賦事楊忠愍登仕未幾上 顿学县 五

徳 銀牙四四百十 令剧色以循良著行见新建之學浸明浸昌夫孰謂 **分自立朝親紹興多貞純不二心之儒與公華同心** 家舍王汝中氏發揮詳明公羽異汝中如两縣然神 寧有無仁義禮信之良知乎顧禪良知者多憑神 全海言仁而義禮知信畢具語一德而四德渾然天 皆謎語也夫道猶水然濕渤汪洋不測一勺之水亦 明之存乎其人汝中以之不言而信則公其人矣嗟乎 以闡釋聖真近役名儒班班輩出如公冢嗣肅之兩 卷四 識為 同 Д 下 洏

于家塾今先子學世世不墜子為我一言弁之余因得 兹集故一叙何司虺一叙劉太守沚以久漫漶遂再鍥 年此其志豈今人哉一日抱其尊先人遺稿曰處惺堂 集過而曰先子為今與教兢兢官下而阨塞也實以學 賀汝定予嚴友也步超王奉常不難棄一官衛奉常莫 從水邊林下得與諸者宿及相切魔也則以阨塞故 處惺堂集序

とこのほ かな

颗學集

五

使榖于地而弗生生也者新建之傅 藉公等無涯哉

義客有問靜後喜怒未發氣象者即拒之曰看則已 某抗髮逐隊陣踪至年四十始有所入妄撥諸先輩 則亨語忽悟曰人心之神屬陽陽必剛 **聞先生之緊持身敬養民惠范士端稍行志即卷而懷** 及概為主深究塞恭未當一涉人履跡其功密矣元 如是者更十餘年近讀易至復卦日後 出處正矣諸譚學者惟拾人殘審以為家合先生學 不反則神不入神不入 滔滔東注何日之與有于是 剛為果決為 亨 剛反剛 蔡 語 灰

金万四周年書

赵四

而翁專而翁則所謂不遠後休後敦復獨復者自有 力 安望有癣此予讀先生集而深有當也先生伯子某由 元某使不切天之靈幾如以一華入颶風中且至滅 測先生反觀之肯即後之義三後斯集命我深矣嗟乎 始信古聖人静專静翕之語為極當不易之論反則專 給諫官憲副奉常謂其收功一源可為全歸而汝定後 理而宋諸大儒為後學深切著明非未學影響所可 たこの軍心等 任斯道純粹凝定夫不知先生之學視先生子而 颗学集 條 頂

金分四月百十 先生之政矣瞻攸先覺悠悠我思九原不作吾将疇依 淵源之宏且遠不知先生之官視先生行于家而可 知未常後行知真知也真知真體也問仁夫子以克己 **绝行學而曰覺信在言前乾也顏子有不善未嘗不知** 默而成之不言而信存乎徳行徳行者覺也詩曰有覺 為乾匪坤弗運坤豈獨為坤匪乾弗宰故曰乾坤合德 復禮告之宋儒以克巳後 禮為乾道知言哉然乾豈獨 **英安節侍御日省編序**

德風廣被白點諸生沐先生為教偶窺先生察藏抄 故非後天則先天無自而見非擬議則言動無由以成 史足四車全書 ~ 無住著何密可言鄒子曰此惟首出庶物時來六龍御 變化兹安節先生日有省時有訟而倦惓不忘斯義也 天之里者能之不遠復無祇悔顏氏學其庶幾乎學顏 洗心退藏于客先生有馬或曰心神物也何所容洗心 氏學沉潛默識不顯亦臨此篇其嚆矢矣先生在豫章 - 例学集

乃世以一落爻象擬議輒以為未窺乾體嗟乎二之矣

幾于脫脫郡邑侯敬為流布其将以為甘棠以為盤 昔有友呈静功長者前曰習静危樓此心之定如水之 常流常鑑而不失其明且順此真定也侍御中素陳 澄 也者先生語将與驚水千秋同濯濯哉 静危樓之定是水之流而遏之也鏡之明而匣之也 口夫是執一 如鏡之瑩乃稍稍應務而茫無所之若何而可長者 亦定軒稿序 一境為定也衆罔測其古余詔之曰性無 銘 動

金少日

習 世局儒執澗沚之清返鑑索照其于定何如也聖天子 其得于定力者深宜公之表表偉偉為使臣冠冕也視 庶之分功在宗社此又其鉅者人服公卓識偉抱不 奉聖天子命攬轡泰晉豫章所彈壓問追救問 賴 紀長煩劇矣而公不動聲色羣史嚮風四境晏如 公復簡命東魯亦以公于秦晉西江皆頻年饑荒 紀提挈若新至于豫章年來旱珍水災無歲不有 公出之水火宗藩切奪浸謀不軌賴公一 一疏明 闔 扶 知

とこり耳心情

願學集

产

定之青非堕空相斯世斯民被其体澤乃真定也 道情煦沫因公别讀公亦定軒集敢拜序簡端使世知 多好四月百十 方觇之矣元某耕東山下幾三十年雜樵圃久勞公以 猶幸有公在今日之孑遗皆公之雲仍而望亦定軒 以界公公如神醫所至延察得之而起三省不幸無年 為神舉以為與區者豈少哉公勉哉一人定國咸于巡 而能為國撫流移恤死亡無量故東魯殘傷之後 宫洗四山先生全集序

者多摹擬不則恣逞导汝光獨匠意力追還古然進進 蹈 代海内沐皇綸必思儌鄒先生一言為榮而汝光絕 視朝久即心瞥臣無由一覲天顏乃輯春交錄進具切 **处足四年公島** 要含飆上為留神省覽次講義汝光以學行簡為儲傅 舊語語爾雅次職官志汝光與修國史典斯志鎔諸 司而括著之詞類周官經制爛馬次酬應諸作世作 ′講及陳說治要青官霽頗次語勅汝光以文鳴 确學具 1 ž

此

宗友汝光氏集也首春交錄汝光在交戟中都上不

抒 光其表表者也余與汝光絲石交者垂四十餘年兩 矣予心期汝光為世舟楫乃無端中人言歸盖汝光侍 以千古相切剛然余鹿鹿半生文質無所底汝光乃 不習世問行故卒僱媒蘖再劉俊君詢甫劉太僕扶生 直久农所尊信中者與忌者交關提 而汝光一意內修 獨文事卓絕學亦深沉詣極籍汝光錄獨而成者比比 だりに 自歐陽子周益國我明解大神楊東里諸先生後 心得揚權站義詞林得汝光一 振余嘗謂吾吉館 汝 闍

吉惟無首乃為天則吾黨與汝光究極乎乾元之微 雁 當為國寶而忍令抱璞自老不能不為世萬日也 燭所為無首者九淵非九天乎雖然龍不需世世不能 天而非觀也韜之乎九湖而非訟也故曰見羣龍無首 とこらはだい 需能後之讀茲集者必無然而 驟首何日鄒子口夫果神龍也可潛可見奮之乎九 給諫公廓宮相向語鄒子曰汝光吾黨神龍一墜 廣易通序 颗學集 慨 日汝光盖代史才 卆 枥

Đ

左近致書以廣易通質余而復相左余得書惆悵者久 一分口四月白言 禪 買舟問許子病許子聞余至喜甚雪風栗烈持爐矣酒 顧許子舟過文江者再亦急余而終以予謝客深山相 得余心同然者有得余未發者蓋易之道六通四開 香爾衣冠而卒業許予以其所學者通數聖人之心有 |謂許子且遡洄去乃客有謂許子采樂螺鷲者余急 從楊少享賀文昌習給諫許子倡道海南心竊向之 笑甚購別去讀許子所謂易通者時方元旦謝客焚

心處賴欲勒成管窥以俟來禩終以易道廣大閣筆 遠哉回視作賦男湘以自廣者大相徑庭而士之不可 之升沉得喪無足以芥其靈襟也者夫上之賜逐臣者 **罷諫官而縣而齊魯而吳而揚得之帆樯煙霧中視世** 并致聲曰吾聞瓊州在大海南其山川所鍾為瑰奇者 不闻道聞道不可不勇也如是乎余敬校畢以付許 獨時時與友羅給諫有得即譚譚而復忘却許子自 海水酌者自取許子邀于易矣余家世易年來有會

火尼四年公馬

願學集

許子勉矣夫續余友楊少草如終之緒也 代有異人如丘文莊之文學海忠介之節義俱彪炳 晤 金少口 學宏山公盖北方學得其宗者先生始而疑中而信 予與孟子成先生交者盖十餘年初交于都門講舍再 賦性端凝一見 于張秋鎮通相話難相勘相規則無如今更久也 謂道他有于身化文學節義而一之者必有其 ſ 孟找疆先生集序 知為古人幼畢志六經已從宏山 老四

於定四車全書 謂無欲者乃直透性體至無而有至虚如神日醉乎 故世見先生與世澹然也朝以清節目之不知先生所 生者寥寥馬先生學以無欲為宗織而一介視若萬來 盡交海内同志海内同志亦人人慕用先生乃真知先 昌黎今陛廷評徙職方主事出鎮山海關為忌者所中 終而恍然有得已已膺恩遐庚午辛未聯第南宫仕為 也近以言者薦起比部郎浮沉仕途盖十餘年因得以 計事滴官先生决志言歸箪瓢陋巷椒衣縊袍泊 願學集

孟叔龍氏謀鐫之以公同志余揭先生之大者列之簡 數卷盖修解立誠明學致用具載無餘者余與同志友 贵透性义曰學須學通儒先生之學可見矣先生有集 優于德名之不 一域者也先生才與誠合為今直追古循良在山海 與令人不可同日語題世見先生之與時齟齬也朝 帥掣肘譚邉事纜纜頃刻千餘言令得時而駕其功用 無使今知先生者希而今先生私擅其貴也雖然學 知局儒者先生之所鄙也當自言曰學 闗

者意甚般厚將何以報知已努力千古矢志聖津恃 **沙足四車全售** 先生前驅云 乎先生欣然隻身同余遊者的日而返時有開發既 先生達門因譚學娓娓各未有契余日為泰山之遊 先生年方六旬其進固未見其止也憶甲申歲扁舟訪 如 始 孔子猶曰假我數年又曰七十而從心所欲不喻 知先生所以弱余者不在登臨問也先生屬望余 質篇館集序 願學集 ** 别 可 有 矩

余初涉世解性人好執事有不合者見之詞色 公必諄 送相見時神孚點契天啟之耶予出入必視君為度顧 其将奈何時時覿面不負久要為祝既幸附職尾公曰 **余謝而歸公仍以竹樂子别予十里執手曰白駒難繁** 蕭森羅絡經史相對旬日夜半两人披衣起坐論甚且 也今儀子知子心也未墜之結是在子子勉之與余論 甲戌秋于健曾公自燕市歸過余曰項貼制藝知子才 數日不忍別既過君別業即所謂質管山房者萬竹

以世交待之務予必易解色後已世之愛我者有如 人直能堪诸友問多從予公曰余期爾瞻匪淺諸君母 准 其意鄉里小兒詢笑譏謔不少公備述以告余曰子 死亦不死乃癸未幸與公同起家拜臺省兩人喜賦詩 A COLON COLON 既予以狂谪公挺身赴護六七年間諸交不無二三 開示曰吾輩豈能必一一 夜月相對亡何公拜職方余亦從銓曹明年余請急 紀未幾公滴海州余亦滴留都公自匡盧來泊升春 领学集 如意者子時時冷面嚮 古

屈 子大不情事予曰世以無情處我我不作無情想南北 彭庆四月台書 歷多艱猶爾爾余謝而別不謂從此與公竟别矣當語 掖垣者祖道十里許予不覺失言光祿色變公徐曰子 係惡可弗傳會徹如吳公觀察湖西念公與其尊人安 公家子姪口大理世父我軍傑楚片語隻字皆脉絡所 仲臣子雨露亦皆學人醍醐公偕一光禄舊當同 數年間余于都門無隻字在還即君家伯氏亦然 公無問唐寅余再起家未幾調南公施脫曰官家處 卷四 獨

初遊文恭公門勇性無前廿年問石蓮芳規籍公猶存 第觀察公刻而布之屬余序予憶此可見者公言也 者露崖角分齊見一意埋光錐采不求同世亦不求異 窥其涯際遇同志未嘗不傾肝抉腸强年入仕始悔妻 世不磷不溫之守隱顯如一憂國急才自其天性每遇 生平絕無泛交與人語諄深粹穆不輕吐單詞人不能 火足の車会員 机政相對無好顏者竟日不得竟其用也亦以觸 公為心膂交乃搜其遺集寄余編摩余畧為校其次 顧學來 六十五

學一先生言眯人自眯公自第後時悔曩學之滞於色 金グロエスラ 得起公與否黨並聚一堂印證千古哉此予所以反覆 相也欲正之予時亦封于見以公之中新學也今覩公 宰故嗚呼公已矣公正氣元神所彌漫天壤問者宜與 思公不能起于夢寐也亦安節公父子之同心也 之諸書大半皆非近儒所及語曰君子上達公有馬安 公俱徃不稖茲籍有無也雖然當時諸夙學暖暖姝姝 荆南稿序

火己四年合告 宗伯文肅公家學長而樞趙周都奉萬復養兩先生 紫可自久此顯微合一之古也故曰誠者自成予盖于 者吾性本然之真 渾渾噩噩盖不知有言可修有業 省之謂又曰修者師也如是則言與誠二之矣愚謂誠 夫子傅乾九三曰修辭立誠所以居業釋者曰修者修 居言不在先誠不在後率為真言言可自傳居為大業 南稿而有徵馬刑南安節先生別業也先生自幼奉 既封固所植者毙以故往哲典型熟于耳目決于心 預學集 Ï 可

生萬 者先生誠所著也嘉隆年間毘陵太史以文與何李相 神其所居注于民牧省方者一 旗鼓點世問館衔模擬之習先生于毘陵庶幾近之矣 之言即先生之人先生豈好為言以傳世而不能不傳 惟其性所欲為欲言者絕無一毫安排纂組其問先生 機刻巧媚之習非惟不為亦且不知以故有所譚吐皆 刻荆南稿成予謹書之首簡結髮弟兄自謂 不知有當否蓋常思先生老矣其精神志氣 惟哲範是型于世所 貌先

金少日

Ŀ

と言

事易曰王明並受其福王之福也必自天申之也非予 髙無下無隱無顯不難不易能者從之耳自尼山振 鄒 能 所能心也 河者拒不信彼習見者河也又有臨河譚河事于濱 拒之不信彼習見者江也夫斯語 為國家點調元化今先生庸傲荆南之側亦非威 子曰性猶海然知性者猶之觀海歸而說奇觀于家 四書證義序 終匪深匪淺 無

炎足四華全售

願學集

六 十 七

直 **嗟少可哀矣余讀錢肇陽孝庶諸證義盖不隨果聲** 新建發揮一本金點時又從而禪之世所謂禪者非真 士出其問世朝武之為禪金谿先立其大與孟氏何 有敬有得有否吾不得而悉數獨有一二力探本原之 金少山 後由漢及宋至今以來家持 完所謂元初者與古人相為揖讓於一堂之上可謂 詰以天之所命何物儒釋之命脈若何彼茫無置 知儒釋異同不過隨蘇附和曰吾尊朱吾不溺新學 かと言 錐人具 懶其見有偏

者廿年卒能光紹一綫之緒夫使肇陽第而偃仰簿 證在實須蘇苓乃暢智崇禮早則今日證之證也證義 故以名吾義盖肇陽不知予方愧悔無故拈出此三語 乎以肇陽才取一第而撥之爾題投牒禮部不遇雙屈 とこの時によ 悟者眇實際地證在虛必参蓍乃固篤實者未開見地 屬影談今且忘之余願聲陽亦置之乎夫學有二妙 附站條肇陽得無有懲於此觀者無為縣視之矣嗟 賴學某 **☆**

深

造自得矣肇陽之言曰覩仁文約中三語而有取馬

告吾夫子振鐸洙泗濟齊四後傷雅漆雕開已見大 抬者何似後儒釋之曰理又曰心牽合附會汗牛充棟 子奈何亦作海觀 于首见者得無曰錢君世海濱見地宜然而子家在楊 天之所以與肇陽者非一世區區祭名已也謹題數語 風塵中即追勉不落塩埃相安能并力鑽研爾爾乃知 開 生學你在各斯未能信一語曰斯雖不明言所 四書五經疑問序 卷,四

金牙四月百書

名然其疑者廼先生之所信信愈篤則疑愈深疑愈 信必先有所疑而後能入過世儒從少小受的讀長飯 Cand that Ashim 則信益徹 生所以為難也先生於四書五經皆有疑問雖以疑 **逢壇以道自任者耳根所入軒然自以為有得于道** 超 為文章取顯仕日如是足矣此無異余獨怪業逐 然自信今古無幾既不自信當求所以信欲求所 (所謂大疑大進小疑小進者又鮮其人此承養先 即諸儒先復起未必不為首肯先生于斯 預學集 六九

先生曰鄒生昔頗有志于道今老矣一楊嚴居寧復知 **昔儒言足以敬聖真則吾何敢吾安知是書不知藏之** 難窮諸儒先在今日有一言幾乎道必虚衷而受必以 **軓以為悖詔令欲請有司絕勿進嗚呼性海無盡覺路** 也勤兵漢儒諸註疏人一其説當時掌故並存不廢故 予序先生諸書余謹括數語附王生性王生為我致聲 太史请著為功今者乎王子雍化尊人與先生莫逆請 以流傳至今今守一家自鳴者無論言之破的與否 卷四

一到 戶口 月 百 吉

未呈時先生疑從何起倘先生翻然置諸羣疑如雨雪 從言語文字悟者亦自言語文字而止八卦未作龍 有文字近覺學從言語文字疑者亦自言語文字而悟 とこりは とこう 過拾遺無使一第倘先覺詰以與古目賦舌橋張而不 之舆咸賅而存馬盖難言矣鄒子雖以易起家乎然不 見睍當與先生歌天何言哉春風沂水之章 子曰六經文章之祖易尤六經之祖三才之撰神明 易原序 願學集 馬

易窩萬松深處滴露研硃期居而觀樂而玩馬忽激陽 也避更大戚二毛漸霜勃勃睛囊之悔乃挈舊易結讀 觸 郞 口此我邑侯甫翁南衡陳公所著公故名進士官儀部 能闔非不欲言繪天者難為工測海者難為度不能言 陽人士欲世陳氏易我邦願師引其端俾淑人士有所 人蕭子來鳳鳴鳳張子祖延叩我玄室即易原數冊 而與馬鄒子拜而卒業連句卦爻象數或以理顧事 以忤時宰拂衣歸里著述滿家而易原其尤著者

金月四月八十十

遇困故其身潜身潜故跡幽跡幽則神入微語曰作 若易者星見踵出無處百餘家鄒子得沾其餘避雖 吉口人心本正出于天命自然順其自然則無往不吉 次定四軍全馬 有麤容不同大都不遇于時退而抑鬱發憤所為盖其 關其変與非如世之托鴻撰以竊名縹囊問云也古今 取證于繼善恒性反身而誠諸語公于聖學盖恢恢乎 河流者必極源委乃止思深哉公乎且釋咸九四貞 以事發理或理事雙標即一字一義咸整整有據 願學集 **七十** 岩

右吾民而徒使之熟儉德避難之吉席為藏身之資則 **挽何大過如之獨立不懼遯世不見知而不悔則非曙** 考大過象曰澤滅木水而浸木木在水中亭亭孤立不 世道否泰之機可鏡矣三生曰易原絜古作者孰優鄒 者其有爱患乎昔夫子曰假我數年卒易可無大過夷 聖予獨怪天生聖賢伴之不用易以開泰裁成輔相左 于大過之古不能也易體貞于一而用或窮或通皆隨 用而用之以善困者十而九即我夫子猶善用因之

子曰公不云乎有伏義易有文王周孔易有諸儒易盖 者為易然易亦隨其所至而即在故曰隨世變易以從 不得之文周文周不得之孔子及諸儒各以其所身至 人各有情情不能不動動而後易生馬情境不同伏義 彼是此非是則易亦滯而不通矣其為言人人殊一 道义曰為道屢遷倘必一一馬度長絜短彼易此非易 未始不同乾之三曰知至至之可與幾也又曰同歸 致百慮天下何思何應嗟乎通何思何慮之音可 致

一欽定四庫全書 農書並存不廢然其學皆有顓門弟子性往不敢惇其 貫百家可知易原矣慨自六籍以秦後俱蝕惟易與神 初爻矣有子考无咎意承考也神明點識使陳氏易有 易學傳于家庭父子問者洛下為城的哉侯業在盡之 師說有說雜問皆曰吾師所傳如此兢兢不敢失尺寸 聞世世哉三生其以予言告俱并以認爾邦人士 君以良辨師模錄成數過山房求序予念其年已七 邱模錄序 卷四集

壘 與學術不得宗殺天下是懼故象曰以此毒天下末學 則憂受難言哉聖人繁卦曰師譚者皆歸于用兵予竊 散而師道亡間有以師道自任者而垣墙之外堅壁深 被其毒者豈少哉公門桃李如羣兒拍肩入市至暮而 則道不立師而或賓賓學子何為軍不丈人敗績是懼 亦寓師道馬師而容衆即有教無類之音師而不律 孜孜是書何心哉盖 當論一事 бÞ 道又亡惟夫以心相 贝罗亚 Ep 如颜鲁氏于夫子彬彬 職皆可自效惟 さま 師

|欽定四庫全書 鲁舜俊端凝深造余四十年畏友也兩年過我玄亭班 明諸君子猶存領羊詳載籍中為人師者研究有得乃 語曰子其逃乎歸來為爾序遊草題今歲夏歸則余遊 泗之濱真有天下不與氣象外是而漢而唐而宋及我 荆累月相视莫逆于心祖秋解我泛舟南海予送江干 所稱模而模矣 **帙曰東遊記子披閱之所至會友切顧名理不** 東遊草序 卷

甚樸眉目隱隱有煙霞氣海宇名勝履跡殆半余自還 杏 此五君子者大儒也我疆常挾被過舍中人皆迁之孟 山足不越步武即此一事魏舜徵已多而况其他幸 VI. Joine Line 兹編在時時箕踞長松下讀之足當即遊矣 生平所籍以切砥者北地自吾師青州朱鐵塘先生 則有我疆孟公洪陽王公中州心吾吕公雲浦孟公 日舜俊為禪伯知者日理無二致悟者自取舜徵 少墟馮先生集序 願學集 4+0 貌

學以理為宗理必操而存孳孳死死如寒求衣飢求 正學心宮儀之會友人周鶴岣觀察脫其集曰子不 師友以摩切余朝夕聞春中少墟馮 為泉下人常念之潜然不禁歸而離索日久曰安得此 先生日余不 其誘入也 巨险夫使關閩 言以能同志余拜而卒業大都謂學必有宗吾 如春風煦物其拒諸説不使闌入也 知鄒君為吏部郎也吾師及兩孟王公 學胸而復朗者公也此世儒皆能 公繼五先生力肩 若操戈 可 食 俱

多好四月百言

赵四

又曰非無善無惡之說并非致良知之說者俱不是盖 載聖學之私有功吾道甚大雖不免疑無善無惡一 眸皆是為飛魚躍現前篤信聖人能無出入篤信自家 公學雖有宗然於新建亦極篤信曰致良知三字洩千 道非一人之道也必六通四闢始無所不入無所不受 始為不離中乎淵矣以詹一家學名者非所以觀道也 公不欲以虚無寂滅令後學步趨無據非虛而公明而

とこりはとき

獅學集

++

之然公之入做人未易知也公示由阜諸生曰舉蹋盈

金少也五人 **哉易之上爻潜見惕功亦宏矣四曰或躍在淵者或之** 者疑之也疑則淵之與天上下懸殊不疑則位乎天德 溥者安能之彼世儒入主出奴妄築垣塹者視公何 情未斷夫一 **問未達元某來髮問學九折羊腸褰裳凡幾而隱隱疑** 天徳不可為首惟吾夫子足以當之其餘即顏子猶 過此夫吾儒患不能疑耳一息尚存此疑不懈九天 公疑思錄曰吾斯之未能疑即夫子啟漆雕開 絲未斷對面河山敢自以為質性的來無 亦 如

医竟席茂仁默不語予豪飲向伯符曰君最少我與茂 憶丁五春余與沈太史茂仁陳儀部伯符同宴伯符洛 悠我恩知公有同然也 緣得一合并其的請事者有在顧余老矣莫性莫來悠 九地何之不入願與公終身請事馬嗟乎華嶽奉 天黄河滔洞無涯代有巨儒横渠之後明仲木今有仲 可稱鼎足可以張春亦可以張明矣予與公天假之 開湖誌序

火足四年全营

顧學集

+

紫魁北畿忽中斷去又未幾得其若作予曰置館閣中 茂仁濟上聯舟論心出其子數人頭角葱倩今麟禎其 夜郎二君不相見者七八年甲中余起家謫南比部 君别亡何茂仁選庶常第一人伯符詔歸娶予是冬竄 曰非也政慮年少折腰風塵為家大人憂耳余醉與二 - 登第亦稱早老儒鬱鬱者何限而君不足所乎伯 也沒仁謝世子的時問其家亡悉前數年有傳麟 乃翁不知雌雄以浮言置之忍矣今年觀察祝公持 符

師事沒則私淑紀載太常為百世師夫事師衆所共尊 弁髦其師弁髦其師即所以棄置其身世之人進進迷 不悟者當新建倡道時仄目者衆惟吾吉諸君子生則 師非尊師也尊道也尊道所以尊生也人不有其身始 新建與予邑羅文恭切砥莫逆砌祠祀其師亦吾邑周 生書一欲予序聞湖誌盖生念其大父石雲父受學王 侍御佐之成更數世恐前徽冷落緝志永傳以周羅二 公皆文水人欲余一言引其端余拜而卒業嘆曰人尊

赵足四年公言

殿學集

* + +

之義三善倘爲可以傳矣雖然晚鐘既撞長夜不醒者 閩為名諫議樹績微垣為名方岳令子聞孫明徳夹世 不良兵善畏天者當法祖祖功宗德昭昭耳目棄先 時易於銀所共毀時難石雲公尊信如是宜其著聲 水永不替此非公善于遗後者哉元某週當語于人曰 限麟禎其忠爾先大父大父太史禔身宅心者亦步 身不修兵令以觀于麟禎茲舉盖于法祖畏天尊 明此道當思畏天良知炯炯天之命也棄天歌天知 琐

峭峰青翠置几席不過供一清玩西湖烟柳花月笙歌 **夕足四華全藝** 太湖之虎林歸者跨西湖勝不絕口予謂太湖一片石 此沈氏世澤也麟禎之孝思遠矣嗟乎之姑胥歸者誇 **嘉恵無涯而新達流風與湖光相為摩濫郡人指而曰** 亦超里人必有聞風與者相聚合併其問俾曹大父之 願財也 龍泉文明會約序 消殞有能分聞湖 **顾学集** 席繼石雲公起者是余 芝

足界 惟在春天命之性一語明得盡處而孝友稱善一 美衣良田華屋斷送一生念之真可哀憐諸君其無負 亨升皆偉人也予當語之曰世法東人讀書人以科第 如蕭生來鳳鳴鳳彭生承芳日星之麒張生延祖部 砥馬而微陽諸子亦時時過我其行誼卓然文藻蔚然 金厂里 **元某之棲跡山中于世法踽踽涼涼惟是賴二三子** 天聰天明全在此學學非多聞多見華言亮語之 生科第人以顯官竟一生享祖父世業以飽食 一鄉出

諸長者曰龍泉學者少宜以人代諸友聞而奮曰此吾 也于是諸君歸而舉文明會章章有紀鄉子為之約行 鄉子語之日仁為已任即此其倪願諸君時時如此 鄉輩繼徃開來衣鉢非人能任吾黨自任之于是醵金 とこのほう 見真儒挺出為是邑重余亦藉以火傅矣 為費辛勤者廿餘日長者嘖嘖曰學在人倡于今益信 而善天下始不負諸君之顧予也一日九邑有青原盟 仁文會記簿序 颜学集 日

吾躬也千切萬生禀靈毓粹而來奈何一見金遂不 塗載足一車鄒子當曰豕負塗者賄于財也思一車者 銀好四月百百 歇脚小之不除大者安在予關仁文館與一國人所 躬為父母兄弟妻子僇辱哉先正以破除名利關為 告老僧有不貪香餌味始是碧潭龍語余自少誦之為 刮者先自義利關始此冊雖小小出入人品心術攸 入市搜金者而不見人也故曰見金夫不有躬嗟乎躬 銘皆自惟曰龍必不餌餌非龍矣睽之上九見於負 卷几 有

墨渝諸君子重新之屬元某一言弁其端元某閩之 即會後更議非諸生不得與即諸生中從他道者點他 里故有會會祀諸縉紳先生自嘉靖初年始往業舉 吾里之風俗雍淳人才彬彬有以也夫會舊有籍久 諸君子髙掀眉目為碧潭龍不願一 而祀典明備故為四方鵠它來取法者俱不得肖 雜祀者里非從科第明經及奉褒崇者不得與類聚 里斯文會簿序 失足為負塗豕 而 なく

· 南恒言曰吾邑以答弁甲海内若吾里四五姓壤地倡 |欽定四庫全書 **輝走避者共說為異事淳厚如此予與李汝順同年舉** 社論文者七人起家為顯人者六人一人雖逐末為生 事乎亦膚碎薦為國博其威如此又曰里樸茂先輩為 顯臣與庸眾講敵禮酒食相招邀直書其名為里人敬 又曰吾里闢一邑氣候吾里盛則一邑盛往諸先輩 仄而賢碩滃起項背相望倘一邑俱如吾里威當何 鄉猶記站先輩呼其名而勞之故足述也今有老成 ×

乎聽醺玉酶雖糟粕稍洩釀而不失為住體也者剛方 美吾里自昔曰仁里仁者人也仁遠乎哉此雖自少熟 時春而冬造化元而貞者數之窮也而貞必起元冬以 私爱者曰俗與才之不競也滔滔東注奈何鄒子曰四 其語白首不能殫其古歸難以口舌傳也其在人哉嗟 基春者亦理之常也天不能有春無冬時不得不貞而 復元所可自盡者人亦有元徳馬仁是巳子曰里仁為 ここうこ 直雖問有雜操望而知為里人也者則何憂不復 1. Lun 戰學集

異斯道功在六經我明如卧盧劉先生學遵考亭一 南南胡敬之耀融齊王充耘張道山周以立諸先輩 尋吾邑在宋元班班史册者不暇悉數沉修隱約若劉 湖宋諸大儒闡明聖真學者如東燭昏衢知有墜絡 也 巡思邃古有操行無論議何彬彬也正學荒榛人心 先進之威際哉謹為述前聞如此亦恂恂不能言餘意 仁文會約序 羽 泪

銀定匹库全書

良諸先輩幾數十人海內宗吾邑不啻星之辰山之岱 兼索郎中夏貞齊武府周七泉明府尹求卷文學趙子 **審世治以儒行著閩者如解觀我劉章江楊玉齊張** 論在朝言行慥慥近太史文恭耀先生學主歸靜深修 慎獨侍御袁先生經歷兼素張先生篤信正學壁立萬 廬山髙之句没而先生為位哭之泰知東川羅先生讜 伪陳公甫于袁有不負平生袁御史于張有夫君只比 願学集

即隱居求志谷平李先生學在存誠官中丞澹若寒素

盖皆以承前啟後翊國運而熙昌祚輔學政所未遠云! 講學學之不講聖且有慶豈曰吾儕或曰會非古也余 子約或口神明黙識存乎其人羣居並處嘐嘐馬擊鼓 龍華為城古利石樓徐侯始創仁文書院以居吾黨諸 宗耳矣前哲既遠周行猶在江陽龍華聚會成無虚 如求亡子何居余曰夫默識存乎徳行然修徳其功在 君恐無以治來兹謂余宜有言余不敏敬矢心與諸君 日羣居終日宴遊徵逐古耶諸君子幸自約厲道貴超 Ð

徒横放無忌獨以仁義孝弟低柱狂瀾説者曰功不在 未嘗不三嘆曰守何易言哉嫠婦柘舟矢志站茶吞岸 私心厚幸的入聞斯道而悦出以紛華陨志是又與宴 子與氏以入孝出弟為士功余當備其言真千古巨觀 遊徵逐者奚異予之所大懼矣 悟學貴真修諸先進流風未泯里有善俗世有真儒予 知經幾風霜而始完節子與生當戰國權謀押闔之 湛源集序

次足四車全島 ~

順學具

<u>}</u>

最後又有今侍御汝聖汝聖早孤念及先尊人及貞母 常公父子以衍公傅知文莊公又知有太常公父子 師說不變今海以內知有新建即知有公公沒而有太 堂 氏起鼓吹金谿之學益昌而明惟時尊信者有宗伯文 關百折而始能知之此未可與庸人道也世宗朝新建 取公孤如轉眠公寧甘寂寞五六十年敢影丘壑守 公新建説賴公以街而信余又當思公以弱兒登 下予竊謂與禹同功亦與禹同苦故言守也亦自 間

金ラリ

火足日草 全 所自得方正宏博盡載湛源集湛源者侍御隱處他日 為著蔡不少變視世所稱引者絕不復進侍御之學盖 有知侍御功在斯道亦知侍御拮据数十年之苦辛 聖才獻來總皇路何之不豈亦同余等沉錮廿餘年日 根此孝弟中來所謂守先德迪來兹者非耶嗟乎以汝 如公所稱属德庸言懲忿室慾遷善改過語數數奉 願學集

御史自歸里日又討公庭訓日與里中父老子弟闡明

履霜事未嘗不簌簌淚數行下起家進士為大行為名

萬歷丙戌秋江西按臣當瓜代臺長謂直指青州朱 飽者是當不御史二月而以賽諤為民者是當在田問 新者是當做衣組袍衙如禪室者是當出八挾麥餅 以公往從事上念公初起田間當內從不得已以地 故皆為西江李官以廉能著人籍筆南床以骨無若請 倘世以湛源為東山復古一 公命至環百城屬公者曰是常治文書若操豪曺刈営 シビ 侍御鑑翁朱老師還朝序 **題終非侍御有矣** 借

求當公會李文彪餘孽作亂當辟者若而人公孳孳求 旦夕移也乃頒係教纜網千百餘言可著為絜令察吏 所在养着公口起凋殘者在百有位顧文具已成未可 曰不然溝瀆雨集皆盈海則萬川歸之不知何時而止 躬為師以自給者公古人也我輩何能奉公百 欠かりませんか 治也不以一能見知而督遇也不以片瑕見棄下之人 公深於學者廉也能也直也公有之耶公至適水潦後 不以虛文沮色事公咸内雪其志慮外來其躬行以 解學集 ì

生比髮白者半賴公以全活者甚聚歲大複悉心脈恤 金万せたとう 告曰吾師乎吾師乎先儒謂唐虞事業如浮寫升沉太 所漂凛者乃私相謂曰吾僻小人也曩以貌貌公今觀 叟謂弊絕風清百餘年所未有獨見公公既得代去向 虚彼非為是哆言也繁珠於空空宜能受金寶雖珍置 賴公以炊者無算又清故尺籍利垂世世勿絕岩碩老 之目則為之盡昏夫吾性之體亦若是矣師其有得于 公海也而莫可端倪矣鄒子於公為門下弟子乃述而 卷四

云上天之載無聲無臭此未易語也師其為我前驅平 大也不覺睡乎其難從矣雖然性體至大而實難言詩 金寶為米而後佛尊未聞其以溝斷為質粪土為繪藍 余嘗云學人談道如索士繪佛必況檀為質百和為繪 又見吾師之凛然節也則又懼然畏今師示我以廓然 とこりをという 盡性之學而然者耶曩吾見師之冷然水也則憬然服 九標敢不竭級從事而步一步趨一趨也 太僕少卿王洪陽先生之滁州序 胸學其

金为四月百十 魚依於水鳥棲于林非如煦沫卵異之私已也先生為 **寧陵吕新吾新安孟雲浦聊城王洪陽先生余在銓曹** 縷為采也者則貴質之說也蓋有感于世士陰依附重 先生以言事左遷南大理余亦調南刑曹相見先生若 去日以世忌出為外吏我疆化去雲浦今為司敷郎王 與此四五君子者俱相勘相摩斯夕無報丙戌予請告 余嘗取友四方多精純潔白之士北地則茌平孟我疆 跡同市并襲聖賢口吻號為儒若重懲世之人也非過

乎憶余兩人會中先生論口之於味諸語子與氏何 同先生再續講會而未幾先生徙南太僕去同志依依 也論勿忘勿助余日是調經之説大音自然不調而 又論養氣持志余曰志神物也非如物可搏之為已有 とこりほんだり 分性命為二子曰性命無二知性則知命二之者非也 相安無言者久矣即言能有加哉聊為述平昔質言可 不忍別相率祖于江滸咸有言贈屬余為序余與先生 願學集 全

大理著平反聲世俗仄目不計余日無事事惟騎瘦馬

佩其言余則謂聖人之道贵得其門而入孔孟以後諸 為百年津梁今雅數伯安氏願先生率諸人士詳究之 好回至者徑者已至猶曰未盡紆回狀不亦感哉若曰 君子拮据卒苦其門亦既闢矣譬之行路有徑至者有 理也先生則謂聖人之言櫛比綠聯不容踰越同志心 也論七十不踰矩予曰志即志此矩特工有生熟非 生其以為然乎滌多佳山水名賢逸蹤所至如是以學 孔子必七十不踰矩頗子年未三十何以未達一 一間

多为四周分言

藏也服其行者曰髫龄慕古貧不變塞即登第來矢志 無堅不討無做不究與之處如遊瓊林武庫探之無盡 弱侯以文行為士林祭酒者二十餘年年五十始魁天 者請以先生為鵠并為予薦繪佛之説 とこりにという 下天下士聞而欣喜習其文者曰羅絡經史貫穿百家 德未嘗以溫飽動念斯誠儒林中之與絕者也而余 焦弱侯太史還朝序 願學集

也先生學成行潔不言而予信之海內有不潔而談道

其身視天下人無一可語者不知醫家謂之痿痺而孔 之宗無極之古不知生滅相續毫釐千里其孰能覺之 見也視世儒之珍見健言直将土苴之弁髦之斯豈得 余觀弱倶不尚談説不執意見渾渾乎若無知也若無 知也又篤志自信者望影為月以識為知自謂得三教 開來學知者譬之貧子數巨室實藏身受其錢而彼 則謂之不仁哆譚説者廣著述嚴辨駁以為紹聖真 以祭弱俱也盖自予友海內同志來高者檢束

金分四月石言

物正之大人非學術不明之故與弱侯舜心明學亦既 而 者在和以天倪神感神應此非予所得而知也弱俣 言而信夫曰不言而信必有不斯言而言不斯信而信 認得為已何所不至然認豈易語哉易曰默而成之不 有年其所謂正己之義将安所在余謂大人者惟明 而後可語正已正已則天地萬物莫非已也故先儒曰 约爱世君子患無正已物正之大人嗟乎世無正已 探其突與耶盖自得者真矣今天下士習請張人心

欠己日臣 白生

願學集

え

美夫 金分旦月白言 送文臺陳先生謁遐序

盖余自别先生者七年每宾心郊坰曰枵腹欲盡者 豈其不能如今人之談鋒也者逡巡言不過物盖寧使 唇吻不淺吾道非耶因悟曰先正資學視今人什百此 **凝果朝有起色乃世學學談天者詰其素履資**

可得而步趨也而彀之外巧也不可得而言也故傳之 "遊於彀之内不欲使人跳于彀之外盖彀之内力也

道尊又曰師出以律不臧由臧不臧糸律不律奈何以 情曰學貴端嚴余欣然曰先生命我矣語曰師嚴然後 此記可令先輩見耶乃今先生過我與子所関世者同 聞斯道者幸以此言進之 人已可見全島 口給為實際地則所謂不言而信存乎徳行者聖人敗 余哉先生且謁選人世所賴陶冶者無窮有質美而欲 **載無弊乃今薄視先輩為無當至今未學薄而自恣!** 别文臺先生序 断學外

墙學悟其大一見語合于歸畔者八年先生始挈九經 意識則微纏名相依稀義理以替道軽迷而罔覺可哀 契神動而天隨者馬而世之據髙享華名位足以號名 金のひたんこう 周遊臣廬五羊間從遊者聚先生得一士欣欣然喜動 也余往在白下得友陳先生文臺盖先生常遊旴江 翼過我雲廬昕夕相對神孚意解先生造日塞功益篤 夫匹夫而為世師則以其握世之同然者始有不言而 人羣世從而師之坐摊皐比居然先覺叩其學非揣摩

於道惟先生可以覺世師世先生忽念新安究陵諸士 顏色謂千古之托于是馬寄汲汲皇皇惟恐一人不 其盡也 州之風而與起者今亦不乏先生勉之火傳也吾不知 同然在人自信耳春州以師道與君道提衡而論聞春 八識取可以理縛可以相求千古之前百世之下無不 辭余行子送先生江介煩為鄒生致語同志曰道非 别劉扶生先生之南太僕少卿序 願學集 7

|次定四軍全勢

昔余友王洪陽中丞由南大理之滁州少卿諸同志 憐之子友扶生今三十年來扶生為諸生為司李為駕 為名臣雖歸卧東魯天下信之乃世非無顏悟過中 **余為序予以繪佛之說進盖言繪佛者必金玉其相而** 部入銓曹尚璽十餘年不胡天下信扶生無異中丞者 後佛尊喻學之貴質也王中私質有其行卒奠安江左 金ジャ 以扶生質勝也今扶生徙為南冏卿去鄒子送之白沙 者據其言津津不作三代以下人物而神情隱約識者 卷四

致定四車全書 - 人 尚可為世有求重厚少文屬大事者合扶生誰屬亭畔 予竊以為此老知宋事将不可支托之乎酒今天下事 **派墮坑輕者不少子行戒之哉二十年前余過滁州飲** 與若冉冉老矣生平經歷轉目陳跡今談者非不了 沐風櫛雨将弛擔一友以收路迷甚哉未路貴慎也吾 醉翁亭不勝先達之思説者以為吾里此老風流人豪 林不為不久雖然子聞告友縣戀都門者乎崎嶇風塵 之海執手告曰扶生吾與若三十年來策談心朝市山 八角 学集

遊 老人有問鄉生無恙者為報曰鄉生挾舊易宿白雲 作楚子走视欲索筆隨子開不試既稍愈子開與選 **徃予與子開一見各以心相許余宿青原山好為采真** 處泉甘土洌不減豐樂恨知巳如扶生者去為醉翁主 余以十月上書闕下子開百方左右子得不死用是 《鄒子能無獨性之嗟乎 獨子開莫逆既同舉進士入試中私選子開忽腹漏 别廿子開憲副序 深

權貴人出為御史御史復不容出憲八関子開上書致 **然己予入計即乞歸明年子開亦以粤督學請歸兩人** 炎之四草全 郎中可衡老員外否余曰蘆蓆語尚在相傳人人胡盧 亦至予哂曰主事敢與老員外衡子開曰此如以蘆席 任歸子幸起家又四年丙戌子 開即家起浙愈憲明年 為水邊林下逛者十餘年山林中子開多與違自喜予 若地所再幾何子開忽從兵部胜儀郎子開復朝日新 又以忤權貴人得謫唐寅子起家選郎調南比部子開 なま

義事髮上指冠稍涉利害縮舌却足則有利害關在津 於波即是余又譬人之涉世如行旅渡關今談道者譬 吾兩人白面書生老冉再至矣君當譬仕途如舟有巨 開再起家贵州晉閱憲副予走而送江之許祀子開 離離亦合也愠亦喜也違亦從也此予兩人自知之子 時于子開似喜似愠子開于余言有從有違跡時合時 阻於沙瀚者有隨時而駕者余竊謂舟無大小不溺 一室談窩師不善維撒此以言試者也夫居嘗談名 O

深君始如崑山之玉温 也得之于順余質如鍾山之 喜聞人毀與譽若飄風過耳於此三者君身備歷話 三十挂冠婆娑林泉幽石者幾二十餘年君惟灑然自 毀譽關在君不難以身犯重人怒而護視余于死生中 在聞人譽言如枯骨傅內聞人毀恨不割刃其腹則有 無所于變害論余之不動也得之于逆君之不動 潤而果豈其得之天者厚亦重 ダイナド) 銅數經火鍛而始銷其渣 5 闗

津熱途味若含飴稍不如意沒齒有餘憾則有得失

传站長者講席西昌陳兩湖符卿年八十餘涕而語諸 大父康平先生家訓而培植者深耶雖然猶未也告余 吞師乎吞師乎是時未知其言之痛今老而益知言之 君子曰末路難持諸長者曰先生才名一世意尚爾爾 修年來謝絕諸好專修駕志道雖不同慢惟皜嗚則 風雨飄搖者幾希余生平有志於性學而子開過志玄 而已夫透性諸有皆空修命精神長存然從有未有不 有味也夫松柏之亭亭也忝天浴曰非飽霜露其不為

|欽定四庫全書

清公粹白者一振之乃特詔起先生田間鄉子謹送于 寓勉旃之意敢以此當两人半題 宋有二友臨別割所同宿檀去酸儒謂其儉德予謂盖 必歸知天天可知耶鄉子曰天有顯道付之于人曰性 江之許客有在座者曰典銓泊在知人而昔賢以知人 玉槎先生恬棲嚴谷者五年所聖天子念銓事至重籍 17 1. 1. 1. 知天問送玉槎先生典銓序 颗學集 生

無者吾不敢必予開所至而知予開其然必返轅也

逓 也何有于我 性 俊 而 無天雅 相 淵 知性則知天矣曰何謂 乃 非 而 祖述以識為性 知天 推 人口 测斯 ンく 推 然、 知性别 耶 測為 知性之實地也雖然難言矣今老師宿 回性 可 則于知人 語 無 即天也 知何曾庭之與盤顧識而非 知性者曰 八推 知天 何 知性 知 非 測為知不知識之與性何啻 知其性 性 핶 可以次第先後言也 曰 #p ijB 黙而 口告軻氏語之詳 知 天性與天無二離 則知天然則 識之入性之 澔 回 椎 知 PA 測 儒 矢口

欽定匹庫全書

基四

炎だ四草公島 之實余辱道義之知故書以就正馬 所屑测者為是而必欲造古人自得之域以無負知天 吉無朋亡之害得乎玉槎先生生平志學盖不以世儒之 |進退之柄進一人以為德自巳出退一人以必快已意 夫能薦人而皆不能必此非知天者不能為此語世握 |充以天下與舜曰天與之故天子能薦人于天諸侯大 此皆欲以人力奪天工者嗟乎欲以人事君享拔茅之 别谢叔兆先生之嘉善令序 願学集 九十五

雨泊 不敢聞而君獨退然陋巷偃庭絕跡此何為哉志有所 第官翰死而謝連蹇春官不第予竊怪之今年謝果為 文即過汝光太史曰二君必以文鳴天下已劉果収上 不為故也漢特有孝廉科令士武于禮部者即曰孝廉 而鮮衣怒馬華田美宅飽僮僕樂妻子凌樂里中有司 有司所錄予閩之喜走而賀其冢二子 肅予居不敬 乙酉歲余從禮部得讀吉州諸制義而獨韙劉謝二君 如也余低回而數者久之近時士一策名禮部歸

金グログノニ

赵四

父是四年全事 立精神一真足以贯金石字豚魚非可聲音象貌為也 稍稍退随者此不難知理與欲不並馳而真與價不雨 為之清也余與君相契者吾吉先輩以學為箕表而近 問譬彼方炎熇濯之清冷之淵未有不骨為之味而神 地華靡多湯心賦目之屬君子攻于文而士民熟於機 即在漢時亦且尊顯以為世鵠君今往為嘉善令或曰 然名不稱實者十而九若君者與古之孝康者有異耶 知非君所宜予竊以君之淡然無欲太璞不斷者處其 **新学朵** なさ

一杯衣去別日今人而劍江在豫章所稱難治非一逢徑 先生耶容曰昔大儒如周濂溪竟以議辟與上官左欲 江客有在座者為先生憂子曰先生難劍江耶劍江難 金少日五 長者私計安得借先生為吉人士楷模乃聞先生移劒 仰峰先生令虔中余得接于文江談吐竟日居然宽博 之素心也 君勉矣夫 君真矣願求真之真歴萬古而常存者是余與君相期 送陸仰峯明府赴調序

與源洛提封而治世無孔孟右龔黃而左源洛何疑余 之于先先生提鈴根鐸其後其治更易客曰公迁矣夫 風動而先生周旋其師於縲綾中證止修之古以師倡 Pp とこの国とは 日有是哉亡何先生果中忌者言得調鄒子曰嚴谷鄙 今實止實修者幾何人不皆止修題公赦窮矣且龔黃 之詐余盖謂兩難也予曰非也劍江提修身之學幾于 素稱强知有力者四顧躊躇其間別先生誠不逆 不知世情如是宜三用而逐逐而錮之已晚然予 颗学某

他元標俗計入南宫私計得一當先生已放榜果出先 臻凝定境必不以此易彼先生行敬遣門弟子護之前 定是天以里先生之思性吾知先生且欣然從震撼中 幸以為學渾撲不受塵淖如陸先生從風波中陶汰坚 卷尾比人見先生先生目攝者三次日先生性過做 生門下喜而後可知也先生得元標卷即以骨鯁臣署 津為相勗者如此 壽大宗伯金翁朱老師六十序

金分巴四百言

とこり見とう |费元標在成時時折簡遺勞有曰我里新建公以貴竹 先生始弱元標者如此既元標狂言被諂獄先生造獄 也言也當而後言非未任而言也干將莫邪善自翰矣 知古人大有為于世者乎為也當而後為非未事而為 亦稱得士子不爱身予奈何爱官余終不以子累我而 中者四執手相勞苦曰子忘我初語乎然子遂子志我 有二志乃為文千餘言手書以界元標又捐俸佐行李 願學集

口予讀子卷知子 非奉而造予不問知其為子也子亦

鬱費失時日先生繼弱元標如此己元標家思賜環給 為進修地天王聖明子終不為夜郎鬼其無以憤懣抑 金ガロガノー 弟子云者有如先生之於元標乎哉元標庚寅再入京 養京即日以其身供宵人耽耽而胎老親爱非計元 **聞而慢然先生終弱元標者如此嗟乎世所稱曰師** 違問机元標言事頻數則又曰白髮在堂始脱間關就 標口子隻字修都道性非子素矣元標遵先生教不敢 事掖垣是時言者發抒江陵私事絕無顧忌先生語元 卷四

冗不及文子為先生祝元標不敢解語云凡為弟子者 子壽氏觀察吾吉兩人共謀所以祝先生者子壽曰予 不忍去云今年甲午秋先生届六十初度之辰同門袁 先生已讀禮家居矣每過先生旅印朝為之低回嗟咨 生為貴近臣而取與最嚴自處儉約有寒素所不及者 于其師無不學也元標矣先生久窺先生闲家禔身操 入先生庭闻夫人躬自紡績先生旦夕惟手一經中唔 **爈存心盖晰於微矣先生為彭澤翁仲子翁鹿而貸先**

時先生左右不肖有詞而報江陵者江陵不能無望然 微顏天性固然其操心積慮亦何粹以白也江陵杨政 身若不勝衣帶言若不出諸口未實聞先生一語摘人 先生每吐詞下筆宿學大儒辟易不敢敵而雖雖循循 不絕二三僅僕亦不知其為先生僕其開家一何嚴也 以先生厚德宜于人先生固屬予勿言夫始而不嫌其 皆自述其昔時見侮狀而先生絕口不言當時事余問 卒不能加先生者以先生不能淄也既江陵败後人人 **基四学集**

欽定四庫全書

或標名理以自炫異而先生隤然若谷淵然若冲韜乎 受之也以先生之養茲六十者如川之始至耳不肖何 馬盖不肖深究先生之學矣世之士人或弔詭以樹奇 異卒不自言其所以異所謂立朝正直忠厚於先生有 足以视先生子壽曰子咏游山澤久知今日事乎先生 其事心之大元標卒不得而名馬夫壽者受也謂有所 不二心之臣詔起行且及先生矣元標曰願先生出其 2. I ... 在林皐天下所需以為霖雨鹽梅者今上留意舊講帷 新學集 百二

皆有門下明德士以為之傳播其徽懿其人言語足以 名臣如司馬君實范文正歐陽六一雖其人之不朽乎 讀元標文者知淹塞淪落士出先生門塘亦足以慶元 標之所遭也乎 **取重當時文米足以照映後世元標淹蹇淪落士文** 先生講筵啟沃掌禮敷奏則藏之石室元標不敢輕言 言語無足重輕又筆蕪學疎徒知述先生瑣屑萬一若 詞

弘足四年全書

緒餘以壽天下以壽茗生是元標所深願也古之大儒

事食余與佞幸立交戟中傲升斗哉予曰奈貪何先生 吾其問陶如也臨行風先生仕先生曰鳳凰不與鳩為 其問與當路齟齬遂拂衣歸未幾洮河如沸羽書告急 先生為太僕少卿時佞幸鸱張忠邪倒置先生力與白 標省先生山中先生方食牛罷茅茨数椽蒹葭十里ゆ |撫髀思界鎖輪者廷臣推較先生甚衆門人鄉子元 木奴百餘章曰此娛朝夕耳即不給吾且甘之余 翁朱老師五十序

でこり 単とは

願學集

百百二

警上不難先生之南盖以南為豐鷄遗跡欲先生坐鎮 捺 而 之耳至之口索甲之幕雲也魚麗軍容甚都天桂飘香 秋月揚輝正先生五十初度之辰予走拜先生函丈 敢面小子無涵我余乃舉酌晉先生曰先生忘丁五時 先生滋不悦曰余自蚤年見背慈母是日即親友亦不 先生特疏乞身相知沮弗得上尋晉飲都御史提督 服先生之高又半年大臣多更置乃起先生大理少 江軍務盖是時許劉字城開闢中而倭奴關白息

到分四月石量

とこのほんこう |閱我門庭躁我疆里皮劉我赤子將何處之夫将之 |矣戊已雨歲大禄行伍空虚士不能飽卒歲萬一 府新領節銀獨不當為清朝慶耶先生曰此君恩也予 時寧知有今日哉小子雖不能光大師訓而師重登鳥 蘆中灑別具先生解古劒贈我夜郎北海魚鴈沉家是 驢出石城門雨雪飄蕭朋從星散獨余與先生沽 事耶憶丁丑余被械以南先生歸田以北穿布衣跨蹇 終身願無忘此日再酌而進口今南都非告南 顾學集 一倭賊 酒朔

嬰城重閉觀望自全又其下矣先生雅善將將願奠我 南服為文士吐氣先生曰余敢愛髮膚黍天子明命又 決勝數千里之外者上也兩軍對壘俘馘凱旋者次也 萬里聖途舉足即是不悟則北面冥山愈馳愈遠此真 **今廓兮鴻洞無涯休心自然之場恬淡無為之鄉悟則** 叩之即鳴聲之應亦空故逐之無跡此聞道之說也寂 也盖當味詩云鼓鐘于官聲聞于外之語鐘之體空故 酌而進曰先儒云四十五十無聞夫所謂聞者謂闢道 表四

哉小子更無復進司封劉生日升者亦先生門人也對 而臺成馬亦知百川之赴海乎由江入河由河入海而 余日子知干伽之臺乎積基緊土積土成丘自小成髙 若然則夫子七十從心之訓衛武九十交儆之說欺余 聞久矣孔子大里也自志學至從心何歷年所也衛武 遠先生謂然乎先生正色曰百家雁雜學無全力予厭 **閩道者而儒者以名閩為閩以聲色為道斯於閩道愈** 公所稱至聖也至查猶不忘國士交儆何老而彌篤也

を己り巨人と言

胸学具

欲使學者哆談說而眇躬行慕知崇而忽禮平意其在 遊也此可喻先生之學矣盖先生之學已立其大意不 海成馬臺之峻也不可仰而探也海之廣也不可泳而 金分で石人丁 所邱承馬 期先生為世津梁也并用紀先生之學子篇仰來學有 舟楫圖為先生百年祝砥柱者志先生之崇高舟楫者 斯乎余兩人具閩先生大指退而共繪砥柱中流涿 焦弱侯太史七十序

火足四种人 ·請者先生弱冠即舉孝康博及羣書為文步武諸代 所至感人亦隨其所至而止嗣是羅旴江起學者聞其 識此義非不識也擇不精語不詳猶未識也有宋諸 說始會然各各自信然未有我友弱俱先生之超然獨 脈者未敢張言至姚江始一提嗣後傳者各以其推 儒尋釋墜緒至我朝而始大明國初諸儒即有窺明 也先天地而獨存後天地而不朽先儒謂漢唐諸儒 子思子括天地一言曰為物不二不二者何物乎之 斯学乐 Ē 测

憔悴苦困極矣此怕怕一 登上第人望先生計日領縉紳 · 疑斯道至微非坚清静寧一 困苦之味則不入斯道至難非歷毀譽崇辱之境 因錮籍不知天所以成先生也蓋斯道至澹非 阿苍軍孤至不能具館粥驅馳南北飄泊二十 不得偕同事睽袂而仕人始謂先生困諸生今謂 書生也條而登玉堂譽騰 2 乃先生又以方枘取 **域則不研先生為** 餘 思性 忠

猶极之

爾乃先生不得與諸少年分席而入及

ピルノラで

奚吉郡諸同志謂鄉子與先生莫逆屬鄉子為祝辭 事布之若懸夜光以照於市先生不以世用含為重輕 生言一吐學者聞之若聽金石破蟋蟀之鳴文一出世 然移然手 测其所自至毀譽無端至矣處四國之中謝客一室兀 霄低而歸故鄉毀生求全先生不知其所自起人亦莫 而世之尊先生亦不以世之用含视先生先生今七 極矣夫非所以堅先生之操之定之微耶故先 經看雅鳥數游魚庭草箭鬱絕鮮世趣清

クミの耳ら言

1

願學集

Ī

從心何似元某今願有請于先生夫天之军斯世也必 古獨到語余嘗欲問先生云使夫子而在七十以徃舍 则舍志學美四十舍立美七十從心則舍耳順美此千 不得與之比肩今以文恭為何如人而茲巴丑先生復 以世間所稱爵位者苦其身形前已丑魁天下者吾邑 生博大淳固之儒以翼道統使後學有所禀承而又不 何以祝先生憶先生常有言曰吾夫子十五志學三十 恭羅公文恭澹泊寧靜當時與諸得意者較文恭似

金岁巴尼人言

卷四

維天之命於穆不已此天命之性也生生不息者也文 其慎眠食為斯道自愛昔人謂子雲容貌爵位不能動 步文恭後塵熟謂天無意斯文哉謹函詞獻先生先生 人故不好其文余謂今人于先生亦云他日始知吉州 士不以爵位容貌视先生者盖吉州學術根株者遠 |解照敬止詩詠之日於乎不顯文王之徳之純釋之 壽海門周 公七十序

夕足の事とい

斯學集

續於是天不恐斯道之晦而弗明也則挺生諸大人 惟精惟一之古無問斷即允執厥中之謂然此俱非 者曰純則無二無樣不已則無問斷先後無二無雜 力可致也天之付我者本自至純本自不已在人不覺 于西江尤莫威吾吉自王公没後紹興賴龍溪王子行 覺之宋時諸野如濂溪周子明道程子象山陸子我 **耳人妄以已意穿鑿其間愈馳愈遠堯舜周孔之傳** 有白沙陳子至陽明王子而大宏學亦浸昌浸明莫威 Bp

Ľ

卷四

致定四車全書 宜必有疏余謂令都三事者皆八十餘三朝者舊周子 即疏不得請宜尊君命于禮為恭祁太守尚 子年七十矣先是奉上命晉太僕少卿例得引年周子 敢向人開口道者又過之周子盖非特有功能溪實有 伸之問視龍溪遇則過之于學則與年俱進視龍溪不 其傳然海內疑信者過半龍溪氏進予當以失傳為爱 功新建不但有功新建斯道果有正鵠且有功斯世周 乃天復挺生吾友嵊縣周子繼元周子于仕在時訟時 ,顧学集 百八

遭誘實覺前者皆鄉愿意思今自入滌實無鄉愿意思 書曰周符卿在留都如李光朔臨軍中旌旗改色其鼓 提唱至今餘響流布人問公當一為南尚實焦翰撰致 **昔文成一為南鴻臚卿一為滁少卿皆以學與諸人士** 道者視百年如畫夜浮雲往來太虚何能為公祝惟 膝問君心得然吾輩向道者視年華遅速則惕然懼 也率諸同門為祝屬予致解余思一 人如此今後之滁州會記文成在滁語門人曰余近 别公計廿年

卷凹

子為壽無期請以是歌于醉新豐樂問君得無南望曰 本自不已日蘇于純吾知公之壽無涯矣詩曰樂只君 情無所屬也壽公一人乃所以壽千萬人伴人知天命 意思在否今去龍溪之平尚遠天不恐使斯世斯道之 遗餘力余常不量螳臂拒之曰一到家語一發報語此 無善無惡一語透徹殆盡今南中闢無善無惡一語不 雨塗也今公之所以引人者将如何為計還復有鄉愿 願學集 語接引人至

在所至得謗陽明先是多以為善去惡一

版定四庫全書 - ·

更

吾友爾瞻遠在青螺白點問未知予等之樂以也 卷四

至成俗子居常念之意郭君且躍然起乃連蹇三入敦 生倡學里中里中賀松澗先生為其高足流風餘韻所 的諸生祖余郊坰談學者竟日盖其鄉先正道林先

不遇責人太學訪余山椒與之語古今成敗道理若燭

照數計倒囊珠而九走坂也又最好節義予友馮愈憲

别郭通宇序

丁昔赴點竹微服飄蕭人莫余知郭君通宇索余泥濘

童觀君子則各六二閱觀女貞斯利丈夫桑弘蓬矢射 盖烈丈夫哉者且别去予執手語曰吾兩人昔面如渥 **总岡為楚而下詔獄右周旋左右談及輒泣數行下** 者為我聞之 丹今冉冉老矣然有不老者在君知乎即吾两人覿面 問因諸生中的跡後門子語之曰子知觀道乎初六 對者是已其勉之哉君歸而訪桃岡里有種桃其 别李君問序 Ē

粤遊余進之曰何觀曰吾睹昔人陳迹則潜然志感睹 威不可謂不遇矣子向所謂太倉一栗者助乎小哉然 壁經魁省閣侍其華人計俗解予北征予告之曰子今 **跡見森魯會滕韓魏之廣于宮闕睹百官之富帝王之** 目者目未曾少的心志未當少變馬余曰似矣未幾以 宇内境物繁庶覺吾身不啻太倉一栗而所經洞心賦 四方子得無伐木思乎君闍惕然來裝為吳越游已為 且觀國光矣于水見黃河之變于山見岱宗之萬于陳

欽定四庫全書

一謂之通屈伸相感而利生馬宋儒發其義觀喜怒哀樂 曰觀我生上九曰觀其生五君道以民為生故曰觀民 者為之君耶知吾身小則憫然思有以自下知大者為 退者闔也住者屈也故曰一闔 之君雖欲不首出庶物不可得也易道總萃三才莫過 知所謂則乎小者而不知心志未當少變非藝乎大哉 于生故曰生生之謂易觀之六爻三曰觀我生進退五 三與九獨臣曰觀生所生者何在進者闢也來者伸也 1.1. 页外集 一闢謂之變往來不窮

或光或晦或斷或續余不得知子行矣力肩正學有孚 故曰性者生也子之先有谷平先生者其于生道至深 即點識識仁之古不觀則孰從而窥其端知端則知生 銀定四库全書 颙若語養也下觀而化德之城也天下觀子者且無量 且與但吾里先輩多有餘不敢盡一傅而石蓮石蓮後 未發前氣象而陳公南以靜中養出端倪為要此其義 不传籍子鞭于俊矣 别李質卿序 教育四月 桑情奈何不阿世所好哉孟氏七篇仁義所如不合卒 制義起家而曲學阿世夫孰不由里選賢良科進耶余 復知告所自談許者何欲世隆威其若復鄉舉里選賢 其初得天之和而介屋屋勉强鑫氣方新既老而惰骨 良方正科殊足得士或者又曰今諸為名公卿者盡皆 今學士憂世者曰以制義取士士一得意棄如芻狗不 而不學者也曰何若予曰賢良者情勝方正者骨勝彼 日諸為名公卿者必其素賢良方正曲學阿世必其老

欽定四庫全書 名不可得也余友李質卿自為諸生里人推遜頃客有 無不色春凡事關宏鉅者曰有質卿在嗟乎質卿得此 談其隱德種種余聞而神悚心服恨不如告人里選法 不少贬由仁義行浩然者養之素定即欲以賢良方正 于鄉亦難矣質卿行且為天下用天下人有不信吾質 以質卿進乃今年質卿偕其姓孺德並舉于鄉鄉之 如里人者哉軻氏曰達不離道故民不失望余曰進

不變塞故達不離道塞者不隨時求通之謂質卿先世

師之有餘學馬 變此然為世大儒此不變塞不離道之極則也質鄉近 即古人中不易見今年以文偕其叔質卿 シュリョ ハルト 而喜乃視前益韜而藏則又喜以本晦目寧復有今 在而本晦凝然思有以自下其必有懲于中真見學 本晦才志士也胸中開霧真吞雲夢八九而孝友醇 先生為比部為僉憲中丞所至與世忤道卒不少 别李本晦序 顿学集 魁冶開余聞 Ī 魚

矣如草獲于石石去草復萌芽叨天之靈年來讀易而 |截之義相的勉未知言之有味也屢經百折自以為藏 駐足者然與元某入仕路年與本晦相似諸先輩皆以 金云四月全書 始為至善本晦必不以今世人自待而必求至聖賢所 上名之曰謙坤在下六畫皆偶偶象心體之虚也艮下 有所得也易之艮曰艮其止止其所也聖人因地下艮 有所藏馬去心體何啻天湖大學首章曰止至善如是 畫皆偶上畫為奇奇止也非虚不止惟止乃虚而吾猶

間 譬之口兒彼可強風飲露霞舉寧能偕吾子猶食我田 告有老農以力田致饒其子長而嫉農之不文也有方 躬造者幸 栗而落人間耶 藉本晦觀所未至馬 久而驚鶴無闢老農復呼兒曰我家一犁自上世 以仙将曰如是則吟風飲露霞舉可計日待父晚 贈买明水序 一糸完之始知予望本晦者遠且大也他日 兒口彼亦暫游戲人問而以我為寄 顶学生 育基

載其與方外士大言不殊夫吾儒學足以治天下國家 **虞至今不陨墜漁洛諸大儒益光以街近有厭棄吾儒** 然無封滯否倘未能堅决余言有來問者幸告之一水 言明水行篤博極羣書其撰著尤奇閩予言未知能 日 傳無負兒告過矣予嘗思吾夫子之道天叙天秋自唐 君君臣臣父父子子未當不了死生特諸儒不深言以 槽 人感耳此流弊吳中為甚故吾于明水之行不能 粉曰不足了死生然詰其所為被教家清規所 E 郭

|欽定匹庫全書

卷4

孟皐有之但不知孟皐從用苦磨舊中入亦聰明涉 孟 くこうに 而 孟皐所惠百說二冊子披閱之有發光偶所未發者 田 皐告從予遊余服其博雅浸浸期之入道別幾何時 老農而已別無奇也 入有二由涉獵而入不能持久古人所以贵仁守 偶所同族者見地亦甚分明昔人 耶孟皋年 但孟皋百説小序 1.1. **小讀禮家居不可謂不因苦矣夫見** 频學集 、謂大哥煞聰 Ē

到廷匹存全書 者輔而刻于芸林館過而就正予題曰知新錄生矍然 南豐季子汝虞篤志噹古于諸儒先諸發明學庸語益 奇點聽頹然漠然深根寧極含章以負即無 孟皐終日言之不盡也是義也孟皋發於潛説家說中 何俟予贅再為拈出不獨勗孟皐籍孟皐勗余矣 不有之謂種樹者其根欲深其土欲固孟皋年甚少去 曰固聰明聖知而後能達天德固者聰明聖知固而 新錄序 冬山 一説吾知

考亭氏云命猶令也令出于天即三皇五帝誰能越之 とこの国人語 衷若有恒性克綏厥猷惟后又曰惟天地萬物父母 而近一有與道契者軸以功令格之不知書曰維皇降 返方且搏赖投戈不暇何服逐人性天性也命天命也 何益予曰世云操戈者亦以言操耳彼而以身操戈必 颜其名益恣其怒恐不暇細条先動其威氣矣于斯 入室入室必見宗廟之美百官之富方且析行樂而忘 語異先民指報目日新學恨不操戈逐之先生 顧学集 芜

聖賢既去聖賢復生有能直問聖城足以副聖天子新 語亦鏡中影耳明鏡人人本有須從不識一字暗室屋 想之化昭大明之威彼耳聽膚木者謂之以盡先聖藴 不知新于何有敬以是題其端隻眼者其謂我何季生 所欲言若未有得徒以是書為津梁祇益之障耳故且 漏中桑研十年至數十年一旦 恍然則諸儒己言皆吾 是以磐空盡大澤我朝日大明宣無有哉雖然諸儒先 人萬物最靈靈性萬古常新更千萬世不能殫其關與

多分四月百十十

龍沙學錄岵雲王公官豫章纂也前糸大儒學案後附 **盱江里人魯無君子斯馬取斯豈虚語哉** 龍沙學錄序

聖未發者孜孜矻矻如寒求衣飢求食人親公胸弢 已意盖公身體心融有與諸儒同者與諸异者有發前 酉筆總萬彙日總總機務中将刃有餘以為公博學宏

業亦妄以管見請質道公道也學公學也遇啥學者而

Pres Die Lesion

所學集

至

猷得之天授乳知断于道而出之有本如是也元某卒

金岁世四百言 境由教者尋源問津如入百花之谷各從其質之所近 謂學必由師傳諸儒先繭綠牛毛皆我師也于儿所彰 不求以互證是自蒙也盖當論世學其途有二有從宗 及其至則一 教而知歸也由宗者不涉程途提刀直入如入無人 入者從屏除見聞飲神匿影日恭夜尋求所謂本心者 旦恍然親見孔顔此所謂得其宗而人也從教入者 體驗之無少抵牾而後敢自信是所謂由其 也公大半守先儒塗轍即資禀卓額惟恐 冬四

とこうえ 餘事矣夫凡情易脱聖解難舍一落聖解與凡情何異 門庭幾至蒲索賴公提唱學者晚然知學之不可鹵养 紛然同异熾然無見何异何同何宋何明一以貫之 有學知有學則必有見有見則必執執必有言而是非 如是有功來學大矣雖然人苦不知學知學矣須不知 **徴此謎語也夫大江以西戴天履地員首方趾庭脩** 以是發學錄之末公謂何如世以沙高于城為豫章 1.1. 颗學集 Ē

其與先儒異指而于所自得者時超然破的年來宋氏

